



列傳卷第三十五

宋史二百七十六

開府儀同三司上柱國齊國軍事前軍書丞兼相監修國史領選事都總裁是臧等奉
勅修

劉保勳

滕中正

劉蟠

孔承恭

宋璫

袁廓

樊知古郭載附

臧丙

徐休復

張觀

陳從信

張平子從吉

王繼升子昭遠

尹憲

王賓

安忠

劉保勳字脩業河南人父處讓仕後唐入晉拜樞密

使出為彰德軍節度保勳少好騎射後唐清泰中裁
十許歲攝潞州左司馬隨父署彰德軍衙內都校父
卒補供奉官習刑名之學頗工詩因獻詩宰相桑維
翰奇之奏擢為太常丞歷漢為祕書丞周廣順初有
薦其詳練法律兼大理正遷工部員外郎歷掌鄆宋
楚三州鹽麴商稅宋初拜戶部遭母喪起復出掌蘄
口榷茶徙雲安監鹽制置使歲滿出羨餘百萬轉運
使欲以狀聞保勳曰貪官物為己功可乎乃止開寶
初遷司封員外郎監左藏庫六年知宋州太平興國
初遷祠部郎中通判晉州二年選為江南西路轉運

使賜錢百萬三年徙兩浙東北路太宗征晉陽改戶
部郎中為隨軍轉運使兼勾當北面轉運事又與侯
陟同勾當軍前諸事會陝西北路轉運使雷德驤調
發沁州軍糧後期詔劾德驤以保勳代之太原平命
知并州逾年召入判大理寺出知昇州是冬召歸點
檢三司開拆司會鹽鐵使關又命權領其事遷兵部
郎中兼判三司勾院八年拜右諫議大夫俄知開封
府寡婦劉詣府訴夫王前妻子元吉實董食中毒已
將死按驗獄成元吉妻搗登聞鼓訴冤事下御史臺
其實劉有姦狀元吉知之劉慙悻成疾故誣告之保

四百八十八字
勲坐奪奉三月俄以辛仲甫代之未幾復判大理寺
雍熙二年權御史中丞兼勾當差遣院是秋罷權中
丞三年春命曹彬等征幽州保勲以本官知幽州行
府事子利涉以開封府兵曹督芻粟隨軍常從其父
會王師不利濟巨馬河更相蹂躪多死保勲馬陷淖
中利涉自後撤出之力不勝人馬相擠壓遂俱死時
年六十二上命恤其後保勲三子二子先保勲死季
子隨沒以其孫巨川為嗣授祕書正字端拱初特召
贈工部侍郎保勲性純謹少寐未嘗忤物精於吏事
不單繁劇嘗語人曰吾受君命未嘗辭避接同僚未

嘗失意居家積貲未嘗至千錢及死聞者皆痛惜之
至道三年又錄其次孫世長為正字咸平初保勲妻
卒詔賜錢十萬巨川累為比部郎中

滕中正字普光青州北海人曾祖瑤高郵令祖煦即
墨令父保裔興平令中正弱冠舉進士不第周顯德
中滑帥向拱奏辟為掌書記拱移鎮彭門會中正丁
外艱復表奪情仍署舊職加朝散大夫拱鎮襄陽以
中正為襄均平復觀察判官及留守西路又奏署河
南府判官檢校戶部員外郎乾德五年度支員外郎
侯陟表中正有材幹入為殿中侍御史兩川平選知

興元府判西京留臺俄通判河南府留守司事太祖
雩祀西洛以祗事之勤轉倉部員外郎太宗即位遷
考功員外郎授四川東路轉運使太平興國五年召
為膳部郎中兼侍御史知雜事六年命與中書舍人
鄭贄戶部郎中雷德驤同知京朝官考課中正嘗薦
舉監察御史張白知蔡州假貸官錢二百貫糴粟麥
以射利坐棄市中正降為本曹員外郎依舊知雜未
幾又擢拜右諫議大夫權御史中丞雍熙元年春大
宴上歡甚以虛盞示群臣宰相言飲酒過度恐有失
儀之責上顧謂中正曰今君臣相遇有失者勿彈劾

也因是伶官盛言

樂上曰朕樂在時平民安

是冬乾明節群臣上壽酒既三行上目中正曰三爵
之飲實惟常禮朕欲與群臣更舉一卮可乎中正曰
陛下聖恩甚厚臣敢不奉詔殿上皆稱萬歲二年以
年老辭出知河南府未幾被病罷分司西京淳化初
判留司御史臺命其子玄錫權河南司錄以便養二
年卒年八十四中正性峻刻連鞠大獄時議以為深
文權中丞日振舉綱憲人以稱職許之二子並舉進
士玄錫至刑部郎中玄晏後名世寧至工部郎中
劉蟠字士龍濱州渤海人漢乾祐二年舉進士解褐

益都主簿宋初歷安遠軍及河陽節度推官保義軍
掌書記乾德五年召拜監察御史典染院事初蘇曉
掌京城市征頗幹集及卒選蟠代之冬命為太宗生
辰使開寶七年與殿中丞劉德言同知淮南諸州轉
運事太平興國初就遷倉部員外郎改轉運使咸漕
江東米四百萬斛以給京師頗為稱職秩滿部內僧
道乞留詔許再任賜金紫改駕部員外郎八年丁內
艱時以諸州綱運留滯起復知京城陸路發運司事
會河決韓村大發丁夫塞之命蟠調給其餉未幾河
塞朝廷方議封禪以蟠為東封水陸計度轉運使會

詔罷其禮儀遷工部郎中元河北水路轉運使改刑
部郎中就充水陸轉運使入判本部事籍田畢陰
諫議大夫淳化初兼同考京朝官差遣二年暴中風
眩上遣太醫視之金丹卒年七十二賜錢十萬
給其喪事蟠性清介寡合能攻苦食淡專事苛刻好
設奇詐以售知人主典染作日太祖多臨視之蟠偵
車駕至輒衣短後衣芒屨持挺以督役頭蓬不治遽
出迎謁太祖以為勤事賜錢二十萬嘗受詔巡茶淮
南部民私販者衆蟠乘羸馬偽稱商之抵民家求市
茶民家不疑出與之即擄實于法子錯初以父蔭為

大理評事咸平二年擢進士第嘗獻辛太學頌真宗
中夜觀書得錯頌頗嘉賞之出以示輔臣且言錯幼
孤能自立召試命直史館累遷至戶部郎中鹽鐵副
使

孔承恭字光祖京兆萬年人唐昭宗東遷舉族隨之
遂占籍河南五世祖戡唐書有傳戡孫迥萊州刺史
迥子昌庶虞部郎中昌庶子莊仕官諫議大夫
由戡至莊皆登進士第承恭莊之子也以門蔭授祕
書省正字歷温安豐二縣主簿時王審琦節制壽春
以承恭名家子奏攝節度推官府罷調補鄆州錄事

參軍入為大理寺丞獻宮詞託意求進太祖怒其引
喻非宜免所居官放歸田里太宗即位以赦復授舊
官時初榷酒以承恭監西京酒麴歲增課六千萬遷
大理正議獄平允擢軍部員外郎判大理少卿事遷
屯田兵部二郎中同考校京朝官課第端拱三年下
詔曰九寺三監國之羽儀制度聲名往往而在各有
副貳率其司存品秩素高職任尤重郎吏遷授斯為
舊章比聞搢紳之流頗以臺閣自許目為散地甚無
謂焉朕將振之自我而始其以兵部郎中孔承恭為
太常少卿魏羽為祕書少監戶部郎中柴成務為光

祿少卿魏庠為衛尉少卿張洎為太僕少卿呂端為
 大理少卿臧丙為司農少卿袁廓為鴻臚少卿工部
 郎中張雍為太府少卿又以屯田郎中雷有終為少
 府少監虞部郎中索湘為將作少監時裴祚慎從吉
 宋雄先為少卿皆改授東宮官又詔承恭與左散騎
 常侍徐鉉刊正道書俄以疾求解官具言早遊嵩少
 間樂其風土願卜居焉上召見褒其羸瘠出御藥賜
 之授將作監致仕以其子玠同學究出身為登封縣
 尉俾就祿養未果行而卒年六十二承恭少踈縱及
 長能折節自勵嘗上疏請令州縣長吏詢訪耆老求

知民間疾苦立治得失及舉人賤避貴少避長輕
 避重去避來請詔京邑并諸州於要害處設木牌刻
 其字違者論如律上皆為行之尤奉佛多蔬食所得
 奉祿大半以飯僧嘗勸上不殺人又請於征戰地脩
 寺及普度僧尼人多言其迂闊云

宋璫字寶臣華州渭南人父鸞監察御史璫乾德中
 進士及第拔萃登科解褐青城主簿好寫書秩滿載
 數千卷以歸吳廷祚鎮永興辟掌書奏廷祚卒復調
 下邳主簿擢著作佐郎知綿州太宗即位改右贊善
 大夫為峽路轉運副使代還召對賜緋魚復出知秦

四下个
州有善政就拜監察御史充陝西轉運使以五年曹代
知秦州瑞去州未百日曹坐事繫獄上以瑞前有治
績賜錢五十萬再命知秦州安集諸戎部內清肅雍
熙初轉比部員外郎在任凡六年召歸面賜金紫授
度支判官俄遷屯田郎中知益州屬歲饑多盜瑞始
至以方略擒捕招輯盜皆首伏屏息下詔嘉獎瑞拱
初就拜右諫議大夫時兩川轉運使副皆坐事免以
瑞為西川轉運使加左諫議大夫改知陝州淳化中
三吳歲饑疾病民多死擇長吏養治之命瑞知蘇州
瑞曲臣豐碩素病足至州地卑濕疾益甚人或勸其謝

疾北歸瑞曰天子以民病俾我緩撫我以身病而辭
焉非臣子之義也既而太白犯南斗白斗為吳分民
方飢天象如此長吏得無咎乎四年卒年六十一上
聞之嗟悼錄其子明遠為蒲城主簿俾護其喪歸葬
焉瑞性清簡歷官三十年未嘗問家事唯聚書以貽
子孫且曰使不忘本也明遠淳化三年進士後為都
官員外郎次子柔遠亦舉進士及第垂遠閤門祗候
系廓劔州梓潼人在蜀舉進士及第入宋補雙流縣
主簿又為西平縣主簿勾稽漏籍得民丁萬餘州將
薦其勤職就遷上蔡令又以課最擢太子右贊善大

四子令八
夫令於御史府分領推事掌推貨務廓性夸誕敢大言好詆訐太祖以奇士待之太宗即位遷殿中丞出知楚州歸掌京師市征歲中增課數萬緡上嘉之賜緋魚賚錢百萬會錢俶盡籍子以獻命廓按籍浙中諸州軍倉庫之物悉輸京師得以便宜從事仍詔每公宴別席而坐以寵異之復命知鄆州會河決流入城浸居人廬舍至冬月結為冰廓大發民鑿取竹輿舁出城散積之使者至謂其有略致水不入城乃以狀聞拜監察御史至春凍解州地下流漸溢入為民患會秦王廷美遷置房州以崇義副使閻彥

知州事廓通判州事並賜白金三百兩廓俄轉殿中侍御史召為戶部判官命與陳恕李惟清專計度芻糧事改戶部員外郎又為度支判官籍田轉本曹郎中判戶部勾院廓強項好爭數與判使等較曲直於上前聲氣俱厲上每優容之然勾稽精密由是部領擁積為郡吏所訴詔御史辨問廓謁見宰相趙普自理屬鄭州團練使侯莫陳利用得罪廓嘗與利用書札徃還稔昵普謂之曰職司常事此不足云與利用交結款密於理可乎廓驚慙泣下不能對數日出知温州就遷鴻臚少卿同郡袁仁甫掌州之關征素以

字三百九十二个
宗盟之分頗相親善一旦不協互有論奏上遣光祿
寺丞牛韶往按驗韶至並攝繫獄置對上疑廓被誣
驛召赴闕廓性剛褊被詰治峻急詔書未至以憤死
上聞甚追悼之復驗仁甫所訴多無實狀免韶官貶
仁甫商州長史贈廓右諫議大夫錄其子立賀為奉
禮郎始十歲上猶念廓不已又詔削仁甫名籍配隸

商州

樊知古字仲師其先京兆長安人曾祖偁濮州司戶
參軍祖知諭事吳為金壇令父潛事李景任漢陽石
棗二縣令因家池州知古嘗舉進士不第遂謀比歸

泗漁釣采石江上數日乘小舟載絲繩維南岸疾棹
抵北岸以度江之廣欲開寶三年詣闕上書言江南
可取狀以求進用太祖令送學士院試賜本科及第
解褐舒州軍事推官嘗啓於上言老母親屬數十口
在江南恐為李煜所害願迎至治所即詔煜令遣之
煜方聞命即厚給齋糈護送至境上七年召拜太子
右贊善大夫會王師征江表知古為鄉導下池州八
年以知古領州事先是州民保險為寇知古擊之連
拔三砦擒其魁以獻餘皆潰散方議南征命高品石
全振往湖南造黃黑龍船以大艦載巨竹絙自荆南

而下遣八作使郭守濬等率丁匠營之議者以謂江
濤險壯恐不能就乃於石碑口試造之移置采石三
日橋成不差尺寸從知古之請也金陵平擢拜侍御
史令乘傳按行江南諸州詢訪利民復命知江南東
路轉運事數日改授江南轉運使賜錢一百萬先是
江南諸州官市茶十分之八復征其餘分然後給符
聽其所往商人苦之知古請蠲其稅仍差增所市之
直以便於民江南舊用鐵錢十當銅錢之一物價翔
踴民不便知古亦奏罷之先是李煜用兵權宜調歛
知古悉奏為常額豫章洪氏嘗掌昇州權酷通鐵錢

數百萬至是知古挾微時嘗辱於洪氏責償銅錢以
快意太宗即位授庫部員外郎召歸換金紫賜錢百
萬命為京西北路轉運使太平興國六年加虞部郎
中就改知邠州移鳳翔府入為鹽鐵判官出領荆湖
轉運使雍熙初遷比部郎中會河朔用兵分諸郡為
兩路以給漕輓遷知古為東路轉運使遷駕部郎中
賜錢五十萬知古本名若水字叔清因召見上問之
曰卿名出何書對曰唐尚書右丞倪若水亮直臣竊
慕之上笑曰可改名知古知古頓首奉詔倪若水實
名若水知古學淺妄引以對人皆笑之端拱初遷右

字四百个
諫議大夫河北東西路轉運使賜白金千兩兩路各
置轉運副使都轉運使之名自知古始二年詔加河
北西路招置營田使奏請修城木五百餘萬牛革三
百萬上曰萬里長城豈在於此自古匈奴黃河互為
中國之患朕自即位以來或疆場無事則有修築河
隄之役近者邊烽稍警則黃河安流無害此蓋天意
更迭垂戒常令惕厲然而預備不虞古之善教深溝
高壘亦王公設險之義也所請過當不亦重困吾民
乎乃詔有司量以官物給之會度支使李惟清上言
河北軍儲無備請發河南十七軍州轉粟以赴太宗

曰農事方殷豈可更興此役惟清固以為請上遣左
正言馮拯采傳與知古計之知古即言河北軍儲可
以均濟足供農隙令民轉餉拯復命太宗曰不細籌
之則民果受弊矣未幾入朝奏事稱旨拜給事中俄
為戶部使知古有才力累任轉運使其甚得時譽及在
戶部頗以職事不治詔書切責名益減素與陳恕親
善恕時參知政事太宗言及計司事有乖違者恕具
以告後因奏事知古遂自解上問從何得知曰陳恕
告臣上怒恕泄禁中語且嫉知古輕佻故兩罷之出
知古知梓州未至改西川轉運使知古自以嘗任三

司使一旦掌漕運劍外鬱鬱不得志常稱足疾未嘗
 按行郡縣蜀中富饒羅紈錦綺等物甲天下言事者
 競尚推功利又土狹民稠耕種不足給繇是兼并者
 益糴賤販貴以規利淳化中青城縣民王小波聚徒
 為亂謂其眾曰吾疾貧富不均今為汝輩均之附者
 益眾遂攻陷青城縣掠彭山殺其令齊元振巡檢使
 張玘與闖于江源縣射小波中其額旋病創死玘亦
 被殺眾遂推小波妻弟李順為帥初小波黨與裁百
 人州縣失於備禦故所在蠶起至萬餘人攻蜀州殺
 監軍王亮及官吏十餘人陷邛州害知州桑保紳通

判王從式及諸僚吏逐都巡檢使郭允能允能率麾
 下與戰新津江口為賊所殺同巡檢殿直毛儼徒步
 以身免賊勢益張眾至數萬人陷永康軍雙流新津
 溫江郫縣縱火大掠留其黨守之往攻成都燒西郭
 門不利引去陷漢州彭州旋陷成都時已詔知梓州
 右諫議大夫張雍代知古為轉運使雍未至知古與
 知府郭載及屬官走東川詔復令掌兩川漕運知古
 具伏擅離所部制置無狀上特宥之以本官出知均
 州視事旬日憂悸卒年五十二上猶嗟憫賜其子漢
 公同學究出身知古明俊有吏幹辭辨捷給及任西

川不能弭盜而逃雖獲宥終以慙死云

郭載字咸熙開封浚儀人父暉右監門衛將軍義州刺史載蔭為右班殿直累遷供奉官閤門祇候雍熙初提舉西川兵馬捕盜事太宗賜鞍馬器械銀錢以遣之四年以積勞加崇儀副使在還上言川峽富人俗多贅壻死則與其子均分其財故貧者多詔禁之端拱二年擢引進副使知天樞軍入同勾當三班出知秦州兼沿邊都巡檢使先是巡邊者多領兵騎以威戎人所至頗煩苦之載悉減去戎人感悅遷西上閤門使改知成都府載在天樞軍慶曆六年市糴朝

獻可馮侃等所市鹿鹿惡軍人此物安可充食太

宗頗疑使覆驗之及報與載奏同獻可等皆坐削官

仍令填償及載受代獻可等所市皆支畢復有羨數

三司判勾馮拯以聞太宗召度支使魏羽詰之羽曰

獻可等所市不至鹿鹿惡亦無欠數臣與侃親舊是以

未敢白太宗曰此公事爾何用畏避因召宰相謂曰

此乃郭載力奏朕累與卿等議皆云有實今支畢頗

有羨餘軍士復無詞訴郭載朕向以純誠待之何為

矯誣及此然已委西川俟還日別當詰責於是獻可

等悉復官載行至梓州時李順已構亂有日者潛告

載曰益州必陷公往當受禍少留數日可免載怒曰
吾受詔領方面陪危之際豈敢遷延邪即日入成都
順兵攻城益急不能拒守乃與樊知古率僚屬斬關
出以餘衆由梓州趨劔門隨招安使王繼恩統兵討
順平之復入成都月餘憂患成病年四十載前在
蜀頗能為民除害故蜀民悅之尋至成都即值兵亂
及隨繼恩平賊亦有所全濟故其死也成都人多歎
惜之

臧丙字慶壽大名人弱冠好學太平興國初舉進士
解褐大理評事通判大寧監官課民煮井為鹽丙職

其事先是官給錢市薪吏多侵盜致歲課不充

坐械繫者常數十百人丙至召并戶面付以錢既而
市薪積山歲鹽致有羨數太宗平晉陽以丙為右贊
善大夫知遼州丙素剛果有吏幹會同年生馮汝士
以祕書丞知石州與監軍不協一夕刺刃於腹而死
事可疑丙上疏言汝士死非自殺乞按治上覽奏驚
駭即遣使鞠之召丙問狀丙曰汝士居牧守之任不
聞有私罪而言自殺若使冤死不明不加宿直者以
罪今後書生不能治邊郡矣上嘉其直改著作郎俄
遷右拾遺直史館加工部員外郎充河東轉運使俄

兼本路管田使代歸授戶部郎中同知審官院朝廷
方以九等亞列為重改司農少卿淳化二年拜右諫
議大夫出知江陵府歲餘疾上聞之遣中使及尚醫
馳往視之踰月卒年五十三上軫悼之以其子待用
為四門助教丙舊名愚字仲回既孤常憂其父召丙
偶立於庭向空指曰老人星見矣丙仰視之黃明潤
大因望而拜既寤私喜曰吉祥也以壽星出丙入丁
乃改名焉至是無驗丙於禮不當更名古人戒數
夢無妄喜也待用歷金部郎中東染院使賀州刺史
次子列進士及第至太常

徐休復字廣初濮州鄆城人太平興國初舉進士解
褐大理評事通判轉運使薦其材代歸授太常右贊
善大夫改著作郎直史館賜緋魚遷左拾遺六年加
右補闕充兩浙東北路轉運副使移知明州七年秋
被召赴闕明年授庫部員外郎知制誥九年出知廣
州是歲加水部郎中雍熙二年就遷比部郎中充樞
密直學士賜金紫依舊知州事休復與轉運使王延
範不協乃奏延範私養術士厚待過客撫部下吏有
恩發書與故人韋務昇作隱語偵朝廷事反狀已具
詔遣內侍閻承翰與休復同按劾之遂抵於法端拱

初加左諫議大夫召為戶部使淳化元年罷使遷給事中連知青潞二州休復先上言以父母藁葬青社願得領州事因營丘壠至青州踰年但聚財殖貨終不言葬事至潞州數月瘍生於腦既而疾甚若見王延範休復但號呼稱死罪後數日卒年五十三休復無他能掌誥命甚不稱職履行不見稱於搢紳云張觀字仲真常州毗陵人在江南登進士第歸宋為彭原主簿太平興國初移興元府掾復舉進士不第調鷄澤主簿再求試特授忠武堂書記就改觀察判官上請復刺史及不遣武德卒詣外州偵事頗稱旨

召拜監察御史充桂陽監使獻所業文賜進士及第會三司言劔外賦稅輕詔觀乘傳按行諸州因令稍增之觀上疏言遠民不宜輕動撓因而撫之猶慮其失所况增賦以擾之乎設使積粟流行用輸京師愈煩漕輓之力固不可也或以分兵就食亦非安存之策徒歛怨於民未見國家之利太宗深以為然因留不遣其後復上疏曰臣憑藉光寵備位風憲每遇百官起居日分立于庭司察不如儀者舉之因見陛下天慈優容多與近臣論政德音往復頗亦煩勞至於有司職官承意將順簿書叢脞咸以上聞豈徒執黷

四百八十八
至尊實亦輕紊國體况帝王之道言則左史書之動
則右史書之列于緇素垂為軌範不可不慎也若夫
方今之急者遠人未服邊鄙不寧陰陽未序倉廩猶
虛淳朴未還奢風尚熾縣道未治逋逃尚多刑法未
措禁令猶密墜典未復封祀猶闕凡此數者皆朝廷
之急務也誠願陛下聽斷之暇宴息之餘體貌大臣
以之揚權使沃心造膝極意論思則治體化源何所
不至臣又嘗讀唐史見貞觀初始置崇文館命學士
耆儒更直互進聽朝之際則入內殿講論文義商榷
時政或日旰忘倦或宵分始罷書諸信史垂為不朽

况陛下左右前後皆端士偉人伏望釋循常之務養
浩然之氣深詔近臣闡揚玄風上為祖宗播無疆之
休下為子孫建不拔之業與夫較量金穀剖析毫釐
以有限之光陰役無涯之細務者安可同年而語哉
上覽而稱之召賜緋魚以為度支判官歲餘遷左司
改鹽鐵判官嘗因奏事白上曰陛下務敦淳化殿宇
采飾皆徹去之惟尚朴素天下幸甚然於服御器用
臣願亦從純儉上曰朕庶事簡約至於所服多用純
絹皆經澣濯爾卿言甚善觀頌首謝觀數在省署及
長春殿次中諮事於其使李惟清辨說抵牾大禮容

四百八十八
惟清不能甘因奏解其任觀抗章論列上亦察其無
失故未幾復授舊職又諫罷治佛寺不報俄出為諸
路茶鹽制置副使上疏言更茶鹽之制於理非便不
合旨改知黃州遷揚州皆有善政會三司改舊貫均
州縣之籍以分其職召為三司河東道判官有詔計
司官屬不得越局言他事觀自以任諫官乃上書指
陳拾遺補闕之職言事固當然不奉詔上怒謂宰相
曰朕俾警三司僚屬各率其職非令諫官不言時務
觀乃妄有援引以諷刺朕姑為容忍不欲深責乃令
出知道州移廣南西路轉運使坐大交州黎桓為亂

兵所殺丁濬復位事不實被劾獄未具卒於桂州年
五十三觀廣覽漢史雅好論事辭理切直有古人之
風焉

論曰保勲從其子以死事宋璫忘其身以恤民臧丙
信友誼以明枉其所履歷皆有足觀中正粗振風紀
而峻深寡怨袁廓剛狷夸誕以徼寵任承恭平恕知
止而好佞佛固皆未盡於善知古首獻征南之謀遂
階試用而其攬轡舊都猶尋宿怨與昔人所謂不以
私怨惡廢鄉黨之好者異矣郭載肆為矯誣而懷志
以死休復虧慎終之孝而樂致人於禍庸何議焉若

觀之獻納忠謹識達體要則又可嘉者也

陳從信字思齊亳州永城人恭謹強心計精敏太宗在晉邸令典財用王宮事無大小悉委焉累官右知客押衙開寶三年秋三司言倉儲月給止及明年二月請分屯諸軍盡率民船以資江淮漕運太祖大怒責之曰國無九年之蓄曰不足爾不素計而使倉儲垂盡乃請屯兵括民船以運是可卒致乎今設汝安用苟有所闕當罪汝以謝衆三司使楚昭輔懼詣太宗求寬釋使得盡力太宗既許召從信問之對曰從信嘗遊楚泗知糧運之患良以舟之食日歷郡縣

勘給是以凝滯若自發舟訂日往復併支可以責其程限又楚泗運米于舟至京復輦入倉宜宿備運卒令即時出納如此每運可減數十日楚泗至京千里舊八十日一運一歲三運若去淹留之虛日則歲可增一運焉今三司欲籍民舟若不許則無以責辨許之則冬中京師薪炭殆絕矣不若募舟之堅者漕糧其損敗者任載薪炭則公私俱濟今市米騰貴官價斗錢七十賈者失利無敢致於京師雖居商厚儲亦匿而不糶是以米益貴民將餓殍若聽民自便即四方奔湊米多而價自賤矣太宗明日具奏太祖可之

其事果集焉太宗即位遷東上閣門使充樞密都承
旨會八作副使綦廷珪因疾假滿不落籍愈日不朝
參即入班中宣徽使潘美王仁贍並坐奪奉一季從
信與閣門使商鳳責授開廐使閣門祇候餘抵罪有
差太平興國三年改左衛將軍復為樞密都承旨太
宗征并汾以為太內副部署七年坐秦王廷美事以
本官罷明年分使三部以從信為度支使賜第于浚
儀寶積坊加右衛大將軍九年卒年七十三贈太尉
從信好方術有李八百者自言八百歲從信事之甚
謹冀傳其術竟無所得又侯莫陳利用者所為多不

法始因從信推薦人以是少之

張平青州臨朐人弱冠寓單州依刺史羅金山金山
移滁州署平馬步都虞候太宗尹京兆置其邸及秦
王廷美領貴州復署為親吏後數年有譖平匿府中
錢物秦王白太宗鞫之無狀秦王益不喜遂遣去太
宗憐其非罪以屬徐帥高繼冲繼冲署為鎮將平歎
曰吾命雖蹇後未必不為福也太宗即位召補右班
殿直監市木秦隴平悉更新制建都務計水陸之費
以春秋二時聯巨筏自渭達河歷砥柱以集于京期
歲之間良材山積太宗嘉其功遷供奉官監陽平都

木務兼造船場舊官造舟既成以河流湍悍備其漂
 失凡一舟調三戶守之歲役戶數千平遂穿池引水
 繫舟其中不復調民有寇陽拔華者往來關輔間為
 患積年朝廷命內侍督數州兵討之不克平以好辭
 遣人說之遂來歸改崇儀副使仍領其務九九年計
 省官錢八十萬緡雍熙初召還同知三班事遷如京
 使三年改西上閣門使紹興三月又改客省使四年代
 王明為鹽鐵使平掌陽西平署積年是秋聞陝西轉運
 使李安發其舊為陽平甚利憂恙成疾而卒年六十
 三廢朝贈右千牛衛上將軍官給葬具平好史傳微

時遇異書盡日耽玩或解衣易之及貴聚書數千卷
 在彭門日郡吏有侮平者數輩後悉被罪配京窯務
 平子從式適董其役見之以語平平召至第為設酒
 饌勞之曰公等不幸偶罹斯患慎勿以前為念給以
 緡錢且戒從式善視之未幾遇赦得原時人稱其寬
 厚從式事太宗藩邸累官文思使次子從吉以蔭補
 殿直轉供奉官知宜州屢破溪蠻轉運使堯叟上其
 狀累遷內殿崇班閣門祗候在任凡八年代還為如
 京副使咸平中知環州嘗與宋沆率兵襲西夏小劔
 部署張凝表其專責授內殿崇班俄知澧州復舊秩

四百八
景德四年宜州軍校陳進叛命副曹利用為廣南東
西路安撫使將兵討之次象州太鳥砦與賊戰進為
先鋒郭志言所刺遂入城斬首六十級以平賊功改
莊宅副使未還卒年四十九

王繼升冀州阜城人性純質謹愿事太宗於藩邸太
宗信任之即位補供奉官累遷軍器庫副使陳洪進
來獻漳泉之地以繼升為泉州兵馬都監會游洋洞
民萬餘叛攻泉繼升潛率精騎二百夜擊破之擒其
魁械送闕下餘黨悉平召還遷軍器庫使領順州刺
史知諸道陸路發運事雍熙四年以諸道水陸發運

併為一司命繼升與刑部員外郎董儼同掌其事號
為稱職俄遷右神武軍將軍端拱初改領本州團練
使三月卒年六十四太宗頗嗟悼贈洋州觀察使葬
事官給子昭遠

昭遠形質魁偉色黑繼升名之鐵山有膂力善騎射
少時入山捕鷹鷂值澗水暴漲十餘丈昭遠升大樹
經宿得免嘗涉河冰陷二公傍共援出之昭遠神色
自若喜與里中惡少遊處一日衆祀里神昭遠適至
有以博投授之謂曰汝他日儻有節鉞試擲以下之
昭遠一擲六齒皆赤南遊京師事太宗於晉邸特被

四百个
親遇常呼其小字及即位補殿前指揮使稍遷都知
從征太原先登為流矢所中血漬甲縷戰益急會劉
繼元降命守城門籍兵仗又從征范陽多所擒獲超
散員指揮使涪王之遷房陵也禁衛諸校楊均王榮
等以依附被譴獨昭遠無所預太宗以為忠再遷東
四班都虞候轉殿前班都指揮使領寰州刺史改馬
步軍都軍頭命乘傳鎮定高陽關募兵以備契丹又
為冀州駐泊都監俄授澤州團練使洛州都部署太
宗屢稱其能可備急使端拱初召為殿前都虞候須
勤州防禦使命有司治綾錦院為公署掘地得鐵

若山形或言此地即鐵山故管又與昭遠幼名合間
者異之太宗嘗草書紈扇作古詩賜諸將意多比諷
其賜昭遠尤加賞遇二年領沙州觀察使再為并代
副都部署至道中李繼遷擾西鄙絕靈武糧道命昭
遠為靈州路都部署護二十五州芻粟竟達靈武繼
遷不敢犯真宗即位徙定州行營都部署未幾拜保
靜軍節度使充天雄軍都部署知府事成平二年移
知河陽數月卒年五十六時車駕在大名為廢朝贈
太尉謚惠和中使護葬昭遠頗知書性吝嗇所至無
善政母弟昭懿亦事晉邸至捧日都虞候弟昭遜西

四百八
京作坊使初祖母郭氏嘗對昭遠母指昭遠曰此兒
有貴相他日必至公侯指昭懿曰此兒奉錢過二萬
不能勝矣果皆如其言昭遠子懷普九歲事太宗左
右至西京左藏庫使平州刺史懷一供備庫副使懷
正內殿承制懷英內殿崇班

尹憲并州晉陽人開寶中事太宗於藩邸太宗即位
擢為殿直充延州保安軍使改供奉官太平興國四
年護府州屯兵與鄜州三族會攻嵐州破敵千餘衆
擒偽知嵐州事馬忠拔緣河諸砦以功轉西京作
坊副使入朔州界破寧武軍殺其軍使獲人馬器甲

甚衆改護夏州兵轉供備庫使殺戮三泖醜奴莊岌
伽羅膩葉十四族及誘其渠帥屢降詔書褒美雍熙
初詔就知夏州攻破李繼遷之衆于地斤澤繼遷遁
走俘獲四百餘帳奏請於所部抽移諸帳別置騎兵
號曰平砦以備其用詔從之俄殺蘆關及南山野狸
數族諸族遂擾代還為洪州巡檢未幾命護莫州屯
兵三年詔知瀛州兼兵馬鈐轄富州刺史遷東上
閣門使端拱二年知滄州移邢州皆兼鈐轄淳化初
與王文寶並命為四方館使連護鎮定州屯兵改知
貝州移高陽關兵馬鈐轄五年知定州與兵馬部署

王榮不協榮素粗暴因忿毆憲仆地憲怏怏致疾數日卒年六十三

王賓許州許田人小心謹愿年十餘事宣祖左右及長善騎射太宗領兗海節制太祖以署府中右職太平興國初補東頭供奉官亳州監軍賓妻妬悍賓不能制時監軍不許挈家至任所妻死至亳賓具白上太宗召其妻俾衛士捧之杖百以懲之忠靖卒一女死遷賓儀鸞副使領內酒坊從征太原又從征范陽與彰信節度劉遇以城東面五年車駕北巡副王仁贍為大內都部署二年改洛苑使會汴漕壅滯軍食不

給詔別置水 匪發運兩司以賓有心計會領演州刺史與儒州刺史許昌裔同掌其事凡四年儲積增羨號為稱職俄以右神武將軍黎陽當舟車交會禁兵常屯萬餘以支使張遜薦命賓護黎陽軍兼領黃御兩河發運事俄領本州團練使以賓請黎陽建通利軍命就知軍事賓規起公署郵館供帳之器咸具加本軍大將軍歲別給錢二百萬俄兼河北水陸路轉運使貝州兵屯無壁壘分寓邸肆賓選隙地築舍千二百餘以處之優詔褒美召為右羽林軍大將軍判左金吾兼六軍諸衛儀仗司事淳化四年出知揚

州兼淮南發運使徙為通許鎮都監至道元年卒年七十三賻贈加等賓事宣祖太祖太宗殆六十年最為勤舊感恩寵尤異前後賜賚數千萬俱奉釋氏在黎陽日按見古寺基即以奉錢修之掘他文餘得數石佛及石碣有賓姓名賓異其事以聞詔名寺為淳化賜新印經一藏錢三百萬以助之

賓忠河南洛陽人祖叔于仕晉累任方鎮以太子太師致仕父延韜左清道率府率忠形質魁岸不知書纔通姓名而已事太宗藩邸殆二十年太宗即位授東頭供奉官掌弓箭庫遷內弓箭庫副使西京作坊

使掌翰林司內衣庫提點醫官院掌地兵于柞州會曹彬敗于拒馬河忠分若兵布列緣邊以備游騎又鑿河葺城壁俄徙威虜軍又隸鎮定路大陣之左廂就擢東上閤門使與大將李繼隆田重進崔翰追契丹兵祁州北詔書獎飭端拱元年移護高陽關屯兵契丹侵鎮定又與崔翰拒之傅潛陣于瀛州忠當城之西面二年徙知壽州踰月移貝州有劇賊十二人父為民患忠捕之悉獲淳化四年判左金吾街仗王賓出知揚州以忠代為左龍武軍大將軍忠泣請諸衛將軍列在朝外不得迎左右願復舊職上笑曰環

二百八十八个
列之官古官也大將軍三品汝終不知朝廷表著之位因從其請俄復東上閤門使充淮南諸州兵馬鈐轄至道三年以病求歸至泗州卒年六十四天禧元年錄其孫惟慶為殿直
論曰太宗居潛左右必求忠厚彊幹之士及即位脩舊邨之功陳從信張平王繼升尹憲王賓安忠六人者咸備任使又皆畀以兵食之重寄而各振舉其職焉有足稱者矣然平不恪有怨度幾進於士夫之度從信所進邪佞以術蠱惑上心猶不免於近侍之常態歟

列傳卷第三十五

列傳卷第二十六

宋史二百七十七

開儀圖言上替錄軍國重事而書丞相履國史領經筵事都總裁展等奉勅修

張鑑

姚坦

索湘

宋太初

盧之翰

鄭文寶

王子輿

劉綜

卞袞

許驥

裴莊

牛冕

張適附

樂崇吉

袁逢吉

韓國華

何蒙

慎知禮

子從吉

張鑑字德明瀛州團練使藏英之孫父裔以蔭補供奉官鑑本將家幼能嗜學入衛州霖落山肄業凡十

三島六介
餘年太平興國三年擢進士第釋褐大理評事監秦
州紫墟權務升朝爲太子右贊善大夫知婺州就遷
著作郎還拜監察御史奉詔決獄江左頗雪寃滯歷
殿中侍御史會命曹彬等進討幽州問群臣以方畧
鑑上疏極言不可論者以鑑燕人沮議非忠也
置不問與趙延進同掌左藏延進恃恩踰規鑑
之有旨罷延進以鑑判三司度支憑由催欠司時三
部各置憑由催欠鑑請併爲一從之王明李惟清薦
其能用爲江南轉運使本部有大姓爲民患者鑑以
名聞太宗盡令部送魁首及妻子赴闕以三班職名

羈縻之江左震肅又拜議割瑞州清江吉州新淦袁
州新喻三縣置臨江軍時以爲便召還特被慰獎梓
州符昭愿驕僭不法即以鑑代之遷刑部員外郎判
大理寺遷屯田郎中判三司都催欠司改都勾院擢
拜樞密直學士知通進銀臺封駁司又掌三班上言
供奉官以下不考校殿最恐無沮勸即詔鑑兼磨勘
職改三司爲左右計分天下爲十道鑑奏其非便未
幾果復舊淳化中盜起西蜀王繼恩討平之而御軍
無政其下恃功暴橫益州張詠密奏請命近臣分屯
師旅即遣鑑與西京作坊使馮守規偕往召對後苑

門面授方略鑑曰益部新復軍旅不和若聞使命驟至易其戎伍慮或猜懼變生不測請假臣安撫之名太宗稱善鑑至蜀繼恩猶偃蹇不意朝廷聞其縱肆鑑之行付以空名宣頭人臣數人鑑與詠即遣部戍卒出境繼恩麾下使臣亦多遣東還督繼恩輩分路討捕殘寇而鑑等招輯反側事平歸朝未至拜左諫議大夫戶部使會五路進兵討西夏令鑑乘傳往環州與李繼隆議護送芻糧入靈州及還上疏曰關輔之民數年以來併有科役畜產蕩盡室廬頓空加以蒲洛之行曾經剽劫原州之役又至遷延非獨令

之弗從實緣力所不逮況復先棄糧草見今逐虜追科本戶稅租互遣他州送納往返千里費耗十倍愁苦怨嘆充塞路岐自春徂冬曾無暫息餼糧之絕力用殫窮顧此疲羸尤堪軫恤今若復有差率益致流亡縱令驅迫必恐撓潰願陛下特垂詔旨無使重勞因茲首春俾務東作况靈州一方僻居絕塞雖西陲之舊地實中夏之蠹區竭物力以供湏困甲兵而接送蕭然空壘祇益外虞不若以賜繼遷使懷恩奉籍稍息飛輓之役事當深慮理要預防若待川決而後防火熾而方戢則焚溺之患深矣雖欲拯救其可得

四子合八個
乎尋詔鑑專督軍糧以軍興法從事饋運頗集真宗
即位遷給事中使如故咸平初改工部侍郎出知廣
州居二年民條其政績上請刻石三年移知朗州溪
洞群蠻數寇擾鑑召酋豪諭以威信皆俯伏聽命初
鑑在南海李夷庚爲通判謝德灌爲巡檢皆與之不
協二人密言鑑以貲付海賈外不賈市故徙小郡至
是鑑自陳有親故謫瓊州每以奉米附商舶寄贍之
又言夷庚德權儉人貪凶之狀上意稍釋召還以疾
徙知相州有芝草生於監牧之室鑑表其祥異以爲
河朔弭兵款附之兆優詔答之景德初卒年五十

子士廉爲殿中丞士宗太子洗馬士程屯田員外郎
姚坦字明白曹州濟陰人開寶中以尚書擢第調補
將陵尉歷隰州推官將作監丞知潯州太平興國三
年召還爲著作佐郎通判唐州八年諸王出閣詔給
諫以上於朝班中舉年五十以上通經有文行者以
備官僚乃以戶部員外郎王適監察御史趙齊爲衛
王府諮議左贊善大夫戴玄爲本府翊善水部員外
郎趙令圖爲廣平郡王府諮議國子博士閻象爲本
府翊善又以起居舍人楊可法國子博士楊幼英左
贊善大夫杜新及坦爲皇子翊善國子博士邢昺爲

諸王府侍講坦仍賜緋魚太宗召王適等謂曰諸子
生長深宮未知世務必資良士贊導使日聞忠孝之
道汝等皆朕所慎簡各宜勉之坦歷殿中丞倉部員
外郎賜金紫遷本曹郎中轉考功仍為益王府翊善
坦性木強固滯王嘗於邸中為假山費數百萬既成
召賓僚樂飲置酒共觀之坦獨俛首王強使視之曰
但見血山耳安得假山王驚問故坦曰在田舍時見
州縣催租捕人父子兄弟送縣鞭笞流血被體此假山皆
民租稅所為非血山而何是特太宗亦為假山聞而
毀之王少佚豫坦即醜詆王頗鄙其為人自是坦每

暴揚其事上嘗戒之曰元傑知書好學亦足為賢王
矣少不中節亦須婉辭規諷況無大故而詆訐之豈
禪贊之道邪頃之左右乃教王詐稱疾不朝太宗日
使視疾逾月不瘳甚憂之召王乳母問狀乳母曰王
本無疾徒以姚坦檢束居常不得自便王不樂故成
疾上怒曰吾選端士輔王為善王不能用規諫而又
詐疾欲使朕去正人以自便何可得也且王年少必
爾輩為之謀耳因命梓至後苑杖之數十召坦慰諭
曰卿居王宮能以正為群小所疾大為不易卿但如
是勿慮讒間朕必不聽王薨改衛尉少卿判吏部南

曹他日因事得對上以其舊人召升殿與語坦言及故府意短諸王而稱已之敢言坦退上謂侍臣曰坦在宮邸不能以正理誨諭事有微失即從而揚之此賣直取名耳景德初求補郡俾知鄧州轉運使表其治狀詔嘉獎之大中祥符初復知光州二年卒年七十五

索湘字巨川滄州鹽山人開禧進士釋褐鄆州司理叅軍齊州有大獄連繫五百人有司不能決湘受詔按鞫事隨以白太平興國四年轉運使和峴薦其能遷太僕寺丞充度支巡官改太子右贊善

大入將殿中丞充推官拜御史九年河決壞

田命與戶部推官元玘同按行會詔下東封與劉端

同知秦山路轉運事又為河北轉運副使湘經度供

餽以能幹聞事集加屯田員外郎明年契丹入寇三

師劔於君子館敵兵乘勝據中渡橋塞土門將趨鎮

州諸將計議未定湘為曰重進畫謀結大陣東行聲

言會高陽關兵敵以為然即擁衆邀我于平虜城夜

二鼓率兵而南徑入鎮陽據唐河乘其無備破砦柵

及敵兵覺悉遁走雍熙中召為鹽鐵判官改駕部員

外郎端拱二年河北治方田命副樊知古為招置營

田使會議罷復爲河北轉運使轉虞部郎中選爲將
作少監居無何有訟其擅易庫縑以自用者坐授膳
部員外郎知相州時有群盜聚西山下謀斷澶州河
橋入攻磁相州援旗伐鼓白晝鈔劫鄰郡發兵千人
捕逐無敢近湘擇州軍得精銳三百人偵其入境即
掩擊而盡擒之轉運使王嗣宗以狀聞詔復舊官命
爲河東轉運使湘以忻州推官石宗道憲州錄事胡
則爲幹職命以自隨所至州郡勾檢其簿領焉二人
後皆歷清要明年王超等率師趨烏白池抵無定河
水原涸絕軍士渴乏時湘已釐大楸千枝至今整

衆賴以濟真宗即位入爲右諫議大夫復充河北轉
運使屬郡民有幹釀歲輸課甚微而不逞輩因之爲
姦盜湘奏廢之德州舊賦民馬以給驛又役民爲步
遞湘代以官馬兵卒人皆便之會內殿崇班閻日新
建議請於靜戎威虜兩軍置場鬻茶收其利以資軍
用湘言非便遂止又言事者請許權場商旅以茶藥
等物販易於北界北界商旅許於雄霸州市易資其
懋遷庶息邊患詔湘詳議以聞乃上言曰北邊自興
置權場商旅輻湊制置深得其宜今若許其交相販
易則沿邊商人深入戎界竊爲非便又北界商人若

至雄霸其中或雜姦偽何由辨明况邊民易動難安
 蕃戎之情宜為羈制望且仍舊為便會有詔規度復
 修定州新樂蒲陰兩縣湘以其地迫窄非屯兵之所
 遂奏罷之湘少文而長於吏事悉邊郡所至必廣儲
 畜為備豫計出入軍旅間頗著能名先是邊州置權
 場與蕃夷互市而自京輦物貨以充之其中茶茗最
 為煩擾復道遠多損敗湘建議請許商賈緣江載茶
 詣邊郡入中既免道途之耗復有征筭之益又威虜
 靜戎軍歲燒緣邊草地以虞南牧言事者又請於北
 砦山麓中興置銀冶湘以為召寇亦奏罷之咸平二

年入為戶部使受詔詳定司編敕坐與王扶交相
 請托擅易板籍責授將作少監三年出知許州徙荆
 南復為右諫議大夫知廣州四年卒詔遺其子希顏
 護喪傳置歸鄉里

宋太初字永初澤州晉城人太平興國三年舉進士
 解褐大理評事通判戎州以善政聞有詔褒羨遷將
 作監丞贊善大夫通判晉州轉太常丞雍熙三年通
 判成都府賜緋魚會詔求直言著守成箴以獻淳化
 初遷監察御史時北面用兵選為雄州通判入判度
 支勾院二年為京西轉運副使未幾移河東四年遷

三百九十五个
正使改殿中御史至道初遷兵部員外郎充鹽鐵副
使賜金紫時陳恕為使太初有所規畫必咨恕未嘗
自用為功恕甚德之會西鄙有警轉饋艱急改刑部
郎中充陝西轉運使二年命白守榮馬紹忠護芻糧
分三番抵靈州轉運副使盧之翰違旨併往為戎人
所剽上怒捕太初及副使秘書丞竇玘繫獄太初責
懷州團練副使之翰玘悉除名之翰貶許州司馬玘
商州司戶掾明年起太初為祠部郎中知梓州俄復
舊秩真宗嗣位召還復命經度陝西餽運事咸平初
拜右諫議大夫知江陵府蠻寇擾動太初以便宜制

遇詔獎之三年再知梓州明年益州雷有終以母老
求還詔太初就代時分川陝為四路各置轉運使上
以事有緩急難於均濟命太初為四路都轉運使要
切之務俾同規畫太初與鈐轄楊懷忠頗不協時蜀
土始安上慮其臨事矛盾亟召太初還會御史中丞
趙昌言等坐事被劾命權御史中丞先是按劾有罪
必豫請朝旨太初以為失風憲體獄成然後聞上時
論肆之俄出知杭州太初有宿疾以浙右卑濕不便
求近地得廬州疾久頗昏忘不能治大郡連徙汝光
二州景德四年卒年六十二錄其弟繼讓試校書郎

太初性周慎所至有幹職譽嘗著簡譴三十八篇自序畧曰廣平生纂文史老釋之學嘗謂禮之中庸伯陽之自然釋氏之無爲其歸一也喜以古聖道契當世之事而患未博也忽外物觸於耳目內機發於性情因筆而簡之以備闕忘耳子傳慶後爲太子中舍盧之翰字維周祁州人曾祖玄暉鴻臚卿祖知誨天雄軍掌書記父宪蔡州防禦判官之榮少篤學家貧客遊單州防禦使劉乙館於門下乙徙錢塘之翰隨寓其郡太平興國四年舉進士不得解詣登聞自陳詔聽附京兆府解試明年登第解褐大理評事知臨

安縣三遷殿中丞通判洛州會契丹入寇之翰募城中丁壯決漳御河以固城壁虜不能攻吏民詣闕求借留召還遷太常博士爲河東轉運副使徙京西轉運副使改工部員外郎建議渠潁河合于淮達許州以便漕運以勞加戶部員外郎又改陝西轉運使遷吏部員外郎至道初李順亂蜀命兼西川安撫轉運使賊平還任之翰嘗薦李憲爲大理丞憲坐賊抵死之翰當削三任時副使鄭文寶議城清遠軍又禁蕃商貨鹽之翰心知其非便以文寶方任事不敢異其議及文寶得罪之翰併前愆左授國子博士領使如

故尋復舊職會調發芻糧輸靈州詔分三道護送命
洛苑使白守榮馬紹忠領其事之翰違旨擅併為一
為李繼遷邀擊于浦洛河大失輜重詔國子博士王
用和乘傳逮捕繫獄鞫問之翰坐除名貶許州司馬
明年起為工部員外郎同勾當陝西轉運使真宗即
位復吏部員外郎充轉運使以久次召拜禮部郎中
賜金紫復遣之任咸平元年以疾命國子博士張志
言代還未幾復出為京西轉運使先是朝廷議城故
原州以張守備之翰沮罷之其後西鄙不寧修葺為
鎮戎軍之翰坐橫議非便黜知歸州便道之官限五

日即發三年授廣南西路轉運使會廣州索湘卒就
改太常少卿知州事之翰無廉稱又與轉運使凌策
不協陰發其事五年徙知萊州未行卒年五十七

鄭文寶字仲賢右千牛衛大將軍彥華之子彥華初
事李煜文寶以蔭授奉禮郎掌煜子清源公仲寓書
籍遷校書郎入宋煜以環衛奉朝請文寶欲一見慮
衛者難之乃被篋荷筮以漁者見陳聖主寬宥之意
宜謹節奉上勿為他慮煜忠之後補廣文館生深為
李昉所知太平興國八年登進士第除修武主簿遷
大理評事知梓州錄事參軍事州將表薦轉光祿寺

丞留一歲代歸獻所著文召試翰林改著作佐郎通判潁州丁外艱起知州事召拜殿中丞使川陝均稅次渝涪聞夔州廣武卒謀亂乃乘舸泛江一夕數百里以計平之授陝西轉運副使許便宜從事會歲歉誘豪民出粟三萬斛活飢民八萬六千口既而李順亂西蜀秦隴賊趙包聚徒數千將趨劍閣以附之文寶移書蜀郡分兵討襲獲其渠魁餘黨殲焉文寶前後自環慶部糧越旱海入靈武者十二次曉達蕃情習其語經由部落每宿酋長帳中其人或呼為父遷太常博士內侍方保吉出使陝右頗恣橫且言文寶

與陳堯叟交游為薦其弟堯佐驛召令辨對途中上書自明太宗察其事坐保吉罪厚賜文寶而遣之俄又召至闕下文寶奏對辨上深眷遇俄加工部員外郎時龍猛卒戍環慶七年不得代思歸謀亂文寶矯詔以庫金給將士且自劾請代償詔蠲其所費先是諸羌部落樹藝殊少但用池鹽與邊民交易穀麥會餽輒趨靈州為繼遷所鈔文寶建議以為銀夏之北千里不毛但以販青白鹽為命爾請禁之許商人販安邑解縣兩池鹽於陝西以濟民食官獲其利而戎益困繼遷可不戰而屈乃詔自陝以西有敢私市

四子令八十一
者皆抵死募告者差定其罪行之數月犯者益衆戎
人乏食相率寇邊屠小康堡內屬萬餘帳亦叛商人
販兩池鹽少利多取他逕出唐鄧襄汝間邀善價吏
不能禁關隴民無鹽以食境上騷擾上知其事遣知
制誥錢若水馳傳視之悉除其禁召諸族撫諭之乃
定朝廷議城古威州遣內侍馮從順訪于文寶文寶
言威州在清遠軍西北八十里樂山之西唐大中時
靈武朱叔明收長樂州邠寧張君緒收六關即其地
也故壘未圯水甘土沃有良木薪積之利約葫蘆臨
洮二河暨明

襟帶西涼咽喉靈武城之便然環州至伯魚伯魚抵
青岡青岡拒清遠皆兩舍而清遠當群山之口扼塞
門之要芻車野宿行旅頓絕威州隔城東隅堅石盤
互不可浚池城中舊乏井脉又飛鳥泉去城尚千餘
步一旦緣邊警急賊引平夏勝兵三千據清遠之衝
乘高守險數百人守環州甜水谷獨家原傳箭野狸
十族脇從山中熟戶党項孰敢不從又分千騎守磧
北清遠軍之口即自環至靈七百里之地非國家所
有豈威州可禦哉請先建伯魚青岡清遠三城爲頓
師歸重之地古人有言金城湯池非粟不能守俟二

年間秦民息肩臣請建營田積粟實邊之策修五原
故城專三池鹽利以金帛啖党項酋豪子弟使爲朝
廷用不惟安朔方制堅子至於經營安西綏復河湟
此其漸也詔從其議文寶至賀蘭山下見唐室營田
舊制建議興復可得秔稻萬餘斛減歲運之費清遠
據積石嶺在旱海中去靈環皆三四百里素無水泉
文寶發民負水數百里外留屯數千人又募民以榆
槐雜樹及描狗鴉烏至者厚給其直地馬鹵樹皆立
枯西民甚苦其役而城之不能守卒爲山水所壞又
令寧慶州爲水磴亦爲山水漂去繼遷酋長有嵬羅

嵬悉俄者文寶以金帛誘之與十書要約留其長子
爲質令陰圖繼遷即遣去謂之曰事成朝廷授汝以
刺史文寶又預漆木爲函以備馳獻繼遷之首又發
民曳古碑石詣清遠軍將圖祀之而嵬囉等盡以事
告繼遷繼遷上表請罪上怒文寶猶含容之既而文
寶復請禁鹽邊民冒法抵罪者甚衆太常博士席義
叟決獄陝西廉知其事以語中丞李昌齡昌齡以聞
文寶又奏減解州鹽價未滿歲虧課二十萬貫復爲
三司所發乃命鹽鐵副使宋太初爲都轉運使代文
寶還下御史臺鞠問具伏下詔切責貶藍山令未幾

移枝江今真宗即位徙京山咸平中召還授殿中丞掌京南樵貨時慶州發兵護芻糧詣靈州文寶素知山川險易上言必為繼遷所敗未幾果如其奏轉運使陳緯沒於賊繼遷進陷清遠軍時文寶丁內艱服未闋即命相府召詢其策畧文寶因獻河西隴右圖叙其地利本末且言靈州可棄時方遣大將王超援靈武即復文寶工部員外郎為隨軍轉運使至環州或言靈州已陷文寶乃易其服引單騎冒大雪間道抵清遠故城盡得其實遂奏班師就除本路轉運使上疏請再葺清遠軍都部署王漢忠言其好生事遂

徙河東轉運使嘗上言管內廣銳兵萬餘難得資糧請徙置近南諸州又欲令強壯戶市馬備征役宰相李沆等以為廣銳州兵皆本州守城置營必慮安土重遷徙之即致紛擾又強壯散處鄉落無所拘轄勒其市馬亦恐非便上復令文寶條對文寶固執前議且言土人久留恐或生事上曰前令團併軍伍改置營壁欲其互移本貫行之已久而文寶確陳其利因命錢若水詳度以聞若水所對與沆等同遂罷之先是麟府屯重兵皆河東輸餽雖地里甚邇而限河津之阻土人利於河東民罕至則芻粟增價上嘗訪使

邊者言河裁闊數十步乃詔文寶於府州定羌軍經
度置浮橋人以為便會繼遷圍麟州令棄傳晨夜赴
之圍解遷刑部員外郎賜金紫頃之寇準薦其熟西
事可備驅策因復任陝西轉運使嘗出手劄密戒令
邊事與僚屬計議勿得過有須索重擾于下後有言
其張皇者詔徙京西以朱台符代之景德元年冬契
丹犯邊又徙河東文寶安輯所部募鄉兵張邊備又
領蕃漢兵赴河北手詔褒諭未幾復涖京西契丹請
和文寶陳經久之策上嘉之三年召還未至遇疾表
求藩郡散秩詔聽不除其籍續奉養疾以其子鄆州

推官於陵為大理寺丞知襄城縣以便其養大中祥
符初改兵部員外郎車駕祠汾陰還文寶至鄭州請
見上以其久疾除忠武軍行軍司馬文寶不就以前
官歸襄城別墅六年卒年六十一文寶好談方畧以
功名為己任久在西邊參預兵計心有餘而識不足
又不護細行所延薦屬吏至多而未嘗擇也晚年病
廢從子為邑多撓縣政能為詩善篆書工鼓琴有集
二十卷又撰談苑二十卷江表志三卷

王子輿字希孟密州莒人曾祖甲以義勇為鄉人所
推唐末淄青徐兗皆南結吳人以拒梁梁得三鎮吳

字四百令二介
人北侵益急沂密尤被其害州民聚爲八砦以扞寇
遂署甲爲八砦都指揮使祖徽襲父職晉末賊帥趙
重進掠高密徽戰沒父璉復嗣其事周世宗平淮陽
始去兵即農厚自封殖子輿少崇文辭太平興國八
年舉進士解褐北海主簿歷上里評事知臨海縣改
光祿寺丞使西蜀決獄還知興國軍淳化中雷有終
爲江浙荆湖茶鹽制置使奏子輿爲判官轉太子中
允改著作郎江淮兩浙制置茶鹽就轉太常博士真
宗即位遷殿中侍御史因入對與三司論列利害以
子輿爲長轉度支員外郎子輿以每事上計司移

稽滯求兼省職乃命爲鹽鐵判官仍領制置增歲課
五十餘萬貫咸平三年就命燕克淮南轉運使子輿
精於吏事久掌茶鹽漕運周知利害裁量經制公私
便之所至郡縣以公事請者文牒紛委頃刻待報
子輿皆即決遣曾無疑滯明年表求代詔許自擇子
輿以卞袞劉師道名聞即命袞與師道爲轉運使呂
輿拜右諫議大夫戶部使五年二月方奏事便殿俄
疾作仆地命中使掖之以出至第卒以子道宗方幼
命三司判官朱台符檢校其家子輿止一子而三女
皆幼道宗尋卒家寓楚州子輿妻劉還父母家子輿

三百九十一
旅視在京師景德中官借船移柩還葬其里鬻京師
居第以錢寄楚州官庫以備三女資送從其從弟之
請也

劉綜字居正河中虞鄉人少依外兄通遠軍使董遵
誨遵誨嘗遣貢馬太祖嘉其敏辨將授三班之職綜
自陳素習詞業願應科舉及還上解真珠盤龍衣令
賜遵誨綜辭曰遵誨人臣安敢當此賜上曰吾委遵
誨以方面不以此為疑也雍熙二年舉進士第解褐
邛州軍事推官就改永康軍判官遷大理評事通判
眉州轉太僕寺丞代還對便殿因言蜀地富庶安寧

已久益州長吏望慎擇其人上嘉之改太子中允未
幾李順果為亂復召見面賜緋魚尋為三門發運司
水陸轉運使通判大名府連丁家難起知建安軍先
是天長軍及揚州六合縣民輸賦非便綜奏請降天
長軍為縣隸揚州以六合縣隸建安軍自是民力均
濟時淮南轉運使王嗣宗兼發運使規畫多于滯綜
因上言請復置都大發運司專幹其職至道三年遷
太常丞職事修舉多稱薦之者咸平初命代王欽若
判三司都理欠憑由司出為河北轉運副使常言州
縣幕職官以昏耄放罷者其間有實廉謹之士或幼

累無託或居止無定全藉祿廩以濟朝夕一旦停罷則飢寒無依以傷和氣望自今並除致仕官又言法官斷獄皆引律令之文以定輕重之罪及其奏御復云慮未得中別取進止殊非一成不變之道且復煩於聖斷望自今降旨約束不得復然時河北承兵寇之後民戶凋弊吏部所銓幕職州縣官皆四方之人不習風俗且有懷土之思以是政事多因循不舉綜建議請自今並以河朔人充之冀其安居勤於職事夏人擾西邊環慶大屯士馬詔徙綜為陝西轉運副使轉太常博士時梁鼎議禁解鹽官自貨鬻乃命綜

與杜承睿制置青白鹽事綜條上利害力言非便卒罷其事時靈州孤危獻言者或請棄之綜上言曰國家財力雄富士卒精銳而未能剪除凶孽者誠以賞罰未行而所任非其材故也今或輕從群議欲棄靈州是中賊之姦計矣且靈州民淳土沃為西陲巨屏所宜固守以為扞蔽然後於浦洛河邊軍城屯兵積糧為之應援此暫勞永佚之勢也况鎮戎軍與靈州相接今若棄之則原渭等州益須設備較其勞費十倍而多則利害之理昭然可驗矣俄充轉運使四年又獻議於鎮戎軍置屯田務又錄唐安國鎮制置城

字四百八十八
壕鎮戎古記石本以進詔從其請俄詣闕奏事稱旨
賜金紫緡錢五十萬復遣涖職又嘗言天下州郡長
吏審官皆據資例而授未爲得人自今西川荆湖江
浙福建廣南知州或地居津要或戶口繁庶之處望
親加選任其執政舊臣及給舍以上知州處亦擇官
通判又京朝官當任遠官者率以父母未葬爲辭意
求規免請自今父母未葬者許請告管辦審官投
狀並明言父母已葬方許依例考課違者並罷其官
從之五年拜工部員外郎兼侍御史知雜事六年遷
起居舍人再爲河北轉運使時兩河用兵邊事煩急

轉漕之任尤所倚辦綜繼領其職號爲詳練至是眷
矚甚厚警急之際輒資其奏處契丹請和乃遣近臣
諭以擢用之意景德三年召拜戶部員外郎樞密直
學士勾當三班院綜言御史負數至少每奉朝請劾
制獄多以他官承乏甚紊曩制望詔兩制以上各舉
才堪御史者充三院共置十員若出使按獄所經州
郡官吏能否生民利病刑獄枉濫悉得察舉四年西
幸道出河陽境上時節度王顯被疾還京以綜權知
孟州事未幾召還復出知并州以政績聞州民乞留
優詔嘉獎歸朝知審官院改吏禮二部郎中充職兼

衆遂平文襲坐陷失州城削籍爲民震以前功得贖以虢州錄事參軍卒太平興國八年來登進士第累遷大理評事知將樂縣改光祿寺丞通判泗州遷著作佐郎廣南轉運司承受公事俄通判宣州淳化中上命采庶僚中廉幹者給御書印紙俾書課最仍賜實奉以旌異之來預焉改太常丞咸平初遷監察御史爲淮南轉運副使同荆湖發運使以幹職聞就加殿中侍御史入判三司開拆司再爲淮南轉運使兼發運使咸平六年併三司使之職而分置副貳以來爲刑部員外郎充鹽鐵副使景德初疽發於背卒年

四十五錄其弟來爲臨頴

溥子咸爲將作監

來明敏有吏幹田亦掌財賦清心治局號爲稱職然性慘毒措克嚴峻重司事捶楚至有大蟲之號真宗嘗謂近臣曰來公忠肅無所畏避人罕能及然頃在外任頗傷殘酷所至一州縣纖微之過無所容貸大凡督察部下糺逃愆違非有大故所宜矜恕官吏自當畏威懷惠不敢貳過公家之事亦無不濟乃知爲吏之方適中爲善也

許驥字允升世家薊州祖信父唐世以財雄邊郡後唐之季唐知契丹將擾邊白其父曰今國政廢弛狄

三五九十四
人必乘釁而動則朔易之地民罹其災苟不即去且
爲所虜矣信以資產富殖不樂他徙唐遂潛齎百金
而南未幾晉祖革命果以燕薊賂契丹唐歸路遂絕
嘗擁商貨於汴洛間見進士綴行而出竊嘆曰生子
當令如此因不復行商卜居睢陽娶李氏女生驥風
骨秀異唐曰或吾志矣郡人戚同文以經術聚徒唐
攜驥詣之且曰唐頃者不辭父母死有餘恨今拜先
生即吾父矣又自念不學思教子以興宗緒此子雖
幼願先生成之驥十三能屬文善詞賦唐不識字而
整家產爲驥支當時秀彥驥太平興國初詣貢部與

呂蒙正齊名太宗尹京頗知之及試擢甲科解褐
將作監丞通判益州賜錢二十萬遷右贊善大夫五
年轉右拾遺直史館改右補闕六年出爲陝府西北
路轉運副使會罷副使徙知鄜州召還爲比部員外
郎歷知宣昇二州雍熙二年改江南轉運副使洪吉
上供運船水損物主吏懼罪故覆舟鞠獄者按以欺
盜當流死者數百人驥馳往訊問得其情實以聞多
獲輕典優詔褒之又上言劫盜配流遇赦得原還本
鄉讎告捕者多所殺害自今請以隸軍詔可遷正使
端拱初拜主客郎中俄徙知福州累表求還不俟報

入朝召對便殿延問良久改兵部郎中領西川轉運使以久處外任為辭擢授右諫議大夫就命知益州召歸上言蜀民浮窳易搖宜擇忠厚者撫之為預備既而李順叛衆頗服其先見命知審官院遷御史中丞以疾固讓不許占謝日命坐勞問出良藥賜之曰此朕所服得驗者後驥以久病不能振職真宗即位改工部侍郎屢求小郡養疾因入朝失儀為御史所糾特詔不問命知單州咸平二年卒年五十七贈工部尚書賜其子宗壽出身驥雖無他才畧而人以儒厚長者稱之宗壽後為殿中丞

裴莊字端已閬州閬中人曾祖琛後唐昭州刺史祖遠河東觀察支使父全福鄆縣令莊在蜀以明經登第歸宋歷虹縣尉高陵主簿本府召權司理掾轉運使雷德驥以威望自任嘗巡按至境官屬皆出迎候莊獨視事本局徐謁道周德驥稱其有守徙權忻州錄事參軍先是并州倚積軍儲條制甚峻掌出納者嘗十餘人莊代之獨任其事擢授絳州防禦推官提點并嵐二州緡帛芻糧改遼州判官仍涖舊局雍熙三年命將巡邊以莊掌隨軍糧料內客省使楊守一稱薦之授大理寺丞時遷雲朔降戶於汝洛遣莊安

輟之俄通判忻州未上道會魏咸信出鎮澶州改命通判未踰年咸信表其能遷太子中允端拱初潘美鎮真定又辟爲通判時契丹掠趙深邊將無功莊上書以爲周世宗誅樊愛能何徽二將遂取淮南克巴蜀願陛下申明紀律無使玩寇又言緣邊砦柵戍兵既寡戎人易以襲取咸請廢罷以益州兵會詔建方田莊復上言大役兵師慮生事於邊鄙上善之淳化三年召訪以邊事稱旨面賜緋魚令授清資官朔日拜監察御史荆湖南路轉運使未行改三司鹽鐵判官上疏請給兩省官諫紙又引故事禁屠月勿報重刑

會劉式建議請廢緣江榷務燕力言止非便出爲荆湖北路轉運使五年李順亂蜀命與雷有終並兼陝路隨軍轉運同兵馬事或言莊本蜀人不宜任此上益以信之許以便宜事平轉殿中侍御史歷工部司封二員外郎特召問討賊方略至道一年遣將五路出討李繼遷莊陰料師出無功因請加恩繼遷俟其倔強拒命則按甲塞外俘擒未晚既而諸將果敗績俄遷祠部郎中真宗即位遷度支充河東轉運使上章言慶邠延州通遠軍咸處邊要請武幹如姚內斌董遵誨者任之又言田紹斌嘗被疑韓崇業本秦王

婿程德玄始事晉邸初甚親近後踈遠外遷皆懷怨望不宜委以戎寄未幾移知蘇州咸平二年命巡撫江南使還言池州興國軍得良吏餘無足稱者且言朝廷所命知州通判率以資考而授至有因循偷安無政術而繼得親民者其素蘊公器有政績者偶緣公坐則黜司冗務真偽莫辨僥倖滋甚自今望慎選其人勿以資格補授有政績者加以恩禮是年秋契丹犯塞命為河北轉運使時傳潛統大軍駐定州北莊屢條奏其無謀畧慮或失機會王顯掌樞密顯與潛俱起攀附頗庇之莊奏至多不報徙知越州俄傳

潛得罪莊因上言顯潛皆非材致誤邊事請行嚴誅以肅群議未幾徙知宣州會詔百辟上封直言莊條列四事一曰去暴征二曰省冗員三曰擇吏職四曰敦稼政疏奏詔令開陳其
先後莊對甚悉改司封郎中景德初安撫下
奏能吏二十人慢官者五人多所升黜又知潞邢二州大中祥符初東封改鴻臚少卿入判登聞鼓院祀汾陰遷太僕少卿為北嶽加號冊禮副使撰北行記三卷以獻六年出知襄州明年車駕幸南京莊以逮事太宗恩例授大府卿權判西京留司御史臺天禧二年入判刑部以疾分

四百六十六
司西京郊祀改光祿卿求歸上都以便醫藥卒年八十一錄其孫慶孫試將作監主簿莊有吏幹頗無清操慷慨敢言太宗獎其忠謹多可聽納好爲規畫然寡學術嘗建議請置廣聽院兩河學士聞者嗤之晚年退居製棺槨以自隨喜接賓客終日無倦子負咸平二年進士屯田郎中稷左班殿直閤門祇候牛冕字君儀徐州彭城人太平興國三年進士解褐將作監丞通判郴州徙和州加左贊善大夫遷太常丞知滁州以勤政聞召歸轉監察御史端拱元年召試文章遷左正言直史館出知潤州徙泉州未至就

命爲福建轉運使加左司諫建議廢邵武軍歸化金坑土人便之至道初召入進秩兵部員外郎知潭州至郡才數日復召拜兼侍御史知雜事真宗在東宮冕嘗奉使賜生辰禮幣即位尚記其名改工部郎中永熙陵復土會闕中丞合儀仗使時三司各設官局多不均濟冕請合爲一使分設其貳則事務不煩而辦其後卒用冕議咸平元年選知益州仍拜右諫議大夫兩川自李順平後民罹困苦未安其業朝廷緩於矜恤故戍卒乘苻昭壽之虐嘯集爲亂冕與轉運使張適委城奔漢州詔遣赴闕至京兆劾其罪並

三十八
削籍冕流儋州適為連州參軍冕遇赦移欽英二州
歷鄂海二州別駕淮南節度副使大中祥符初真宗
語宰相曰冕素純善黜棄久矣量宜甄叙即起知漣
水軍俄復為祠部員外郎卒年六十四子昭儉至殿
中丞
張適者太平興國五年進士任藩部有治績以廉敏
稱為水部員外郎知郿州獲對太宗喜其詞氣俊邁
賜緋魚旋改京東轉運副使加直集賢院一日三被
寵渥時人榮之徙西川轉運使坐貶後起為彰信軍
節度副使知淮陽軍卒

藥崇吉字世昌開封人
事調補臨淄主簿會令坐賊敗即命崇吉代之復以
書判優等改舒州團練判官未行留為中書刑房堂
後官改太子右贊善大夫出掌揚州榷務未幾遷殿
中丞復為堂後官兼提點五房公事崇吉明習文法
清白勤事至道初擢度支員外郎度支副使時以堂
後官著作佐郎楊文質為秘書丞提點五房事上召
見謂曰汝見擢用藥崇吉否當自勗勵崇吉俄加祠
部郎中真宗時累擢為江南轉運使代還判刑部兼
鼓司登聞院後遷司農少卿知洪州有司歲斂民財

宋史二百九十七
黃澤

造舟崇吉至奏罷之以疾徙濠州遷衛尉少卿以將
 作監致仕卒子二人源虞部員外郎沂殿中丞
 袁逢吉字延之開封鄆陵人曾祖儀仕唐以軍功至
 黃州刺史祖光甫尉氏令父蟾大理評事逢吉四歲
 能誦爾雅孝經七歲兼通論語尚書周太祖召見發
 篇試之賜束帛以賞其精習開寶八年擢三傳第釋
 褐清江尉知州王明薦其能就除豐城令明年又與
 轉運使張去華條上治狀以春秋博士召端拱初遷
 國子博士度支推官又判戶部勾院度支憑由理
 司淳化中改戶部判官歷水部司門員外郎出為西

京轉運使轉水部郎中宰相呂蒙正薦其有經術
 任學官會蜀叛方藉其吏資授西川轉運使至道初
 徙荆湖北路時賊方平夔峽猶聚官軍供饋出於荆
 楚逢吉憚涉遠不赴軍前計度坐之糧餉罷職知夔
 州會遣使川陝採訪因條上知州通判有治迹者七
 人逢吉與朱協李虛已薛顏邵暉查道劉檢預焉皆
 賜詔褒諭歷司門庫部二郎中咸平中復為京東轉
 運使連知福江陳襄四州大中祥符中權西京留司
 御史臺徙知汝州以逮事太祖拜鴻臚少卿七年卒
 年六十九逢吉性修謹練達時務初鄆州牧馬草地

侵民田數百頃牒訴連上凡五遣使按視不決逢吉受命往則悉還所侵田民咸德之兄及甫歷京東峽路轉運副使至駕部郎中逢吉子成務至比部員外郎京東轉運副使從子楚材至虞部員外郎

韓國華字光弼相州安陽人太平興國二年舉進士解褐大理評事通判瀘州就遷右贊善大夫代還除彰德軍節度判官遷著作佐郎監察御史雍熙中假太常少卿使高麗時太宗將北征以高麗接遼境屢為其所侵命齊詔諭之且令發兵西會既至其俗頗廣驚恃險遷延未即奉詔國華移檄諭以朝廷威德

宜亟守臣節否則天兵東下無以洩奇憤也

命使還賜緋魚雍熙三年改右拾遺直史館判鼓司登聞院俄充三司開拆推官四年判本司遷左司諫充鹽鐵判官淳化二年契丹請和朝議疑其非實遣國華使河朔以察之既至盡得其詐以聞每歲後苑賞花三館學士皆得預三年春國華與潘太初因對自言任兩省清官兼計司職不得侍曲宴願兼館職即日命並直昭文館後二日陪預苑宴三司屬官兼直館自國華等始未幾授刑部員外歷判三司勾院復為鹽鐵判官又為左計判官尋都判三司賜金紫

改兵部員外郎屯田郎中京東轉運使徙陝西路舊
制川陝官奉緡悉支鐵錢資用多乏國華奏增其數
加都官郎中入判大理寺改職方郎中以詳定大中
命梁顥代之知河陽潞州轉運使言其善綏輯供億
幹辦詔獎之景德中假秘書監使契丹又爲江南巡
撫入權開封府判官真宗朝陵魏咸信自曹州召入
扈從命國華權州事俄改太常少卿出知泉州大中
祥符初遷右諫議大夫四年代還至建州卒于傳舍
年五十五賜其子琬出身國華偉儀觀性純直有時
子瑠瓊琦並進士及第琦相英宗神宗自有傳

何蒙字叔昭洪州人少精春秋左氏傳李煜時舉進
士不第因獻書言事畧錄事參軍入宋授洛州推官
太平興國五年調遂寧令時太宗親征契丹還作詩
以獻召見賞歎授右贊善大夫三遷至水部員外郎
通判廬州時郡中火燔解舍權務俱盡蒙假民器貸
鄰郡麩米爲酒既而課增倍戶部使上其狀詔資緡
錢獎之稍遷司門巡撫使潘慎修薦其材敏驛召至
京因面對訪以江淮茶法蒙條奏利害稱旨賜緡魚
及錢十萬後二日復對又上淮南酒榷便宜特改庫
部後賜錢二十萬因命至淮右提總其事自是歲有

四
美利使還知温州未行留提舉在京諸司庫務求外
任復命知温州坐舉人不當削一官真宗即位復前
資因上言請開淮南鹽禁時下袞楊允恭輩方以禁
鹽爲便共排抑之出知梧州頃之改水部郎中上所
著兵機要類十卷時審官擬知漢陽軍及引對改知
鄂州大中祥符初轉庫部四年加大府少卿未幾知
太平州又知袁州州民多采金蒙建議請以代租稅
上曰若此則農廢業矣不許俄徙汝州六年上表謝
事授光祿少卿致仕命未下卒年七十七

慎知禮衢州信安人父溫共有詞學仕錢俶終元帥

府判官知禮幼好學年十八獻書于俶署校書郎才
幾命爲掌書記宋初介俶子惟濟入覲歸署營田副
使太平興國三年從俶歸朝授鴻臚卿歷知陳州興
元府知禮母年八十餘居宛丘懇求歸養退處十年
縉紳稱其孝及母服除表請納祿至道三年以工部
侍郎致仕知禮自幼至白首歲讀五經周而後止每
開卷必正衣冠危坐未嘗少懈焉咸平初卒年七十
七子從吉

從吉字慶之錢俶之婿也爲元帥府長史歸宋歷將
作少監會擇朝士有望者補少列少太子右庶子真

宗升諸換衛尉少卿真宗即位復爲右庶子遷詹事
從吉自歸朝居散秩幾三十年頗以文酒自娛士大
夫多與之游景德初上言求領事務判刑部頗留意
法律條上便宜天下所奏成案率多糾駁取本司所
積負犯人告身鬻之以市什器大中祥符初改授衛
尉卿糾察在京刑獄拜右諫議大夫判吏部銓初選
人試判多藉地而坐從吉以公錢市筦席給之臨事
敏速勤心公家所至務儉察多請對陳事上謂其無
隱八年改給事中權知開封府既受命召戒之曰京
府浩穰凡事太速則誤太緩則滯惟須酌中耳請屬

一無所受才數月有咸平縣民張斌妻盧氏訴姪質
被酒詬悖張素豪族質本養子而証左明白質賄于
吏從吉子大理寺丞銳時督運石塘河往來咸平爲
請于縣宰斷復質劉姓第令與盧同居質洎盧迭爲
訟縣聞於府從吉命戶曹參軍呂楷就縣推問盧之
從叔號畧尉昭一賂白金三百兩於楷楷久不決盧
兄文質又納錢七十萬于從吉長子大理寺丞鈞鈞
以其事白從吉而隱其所受盧又詣府列訴即下其
事右軍巡院昭一兄澄嘗以手書達錢惟演云寄語
從吉事速鈞銳請緩之從吉頗疑懼密請付御史臺

即詔御史王奇直文館梁固鞠之獄成從吉坐削給
事勒停惟演罷翰林學士楷鈞免官配隸衡郢州銳
文質皆削一官澄昭一並決杖配隸又高濂者庫部
郎中士宥之子景德中舉進士宰相寇準以弟之女
妻之寇氏卒故相李沆家復婿之歷官以賄聞頗恃
姻接驕縱被服如公侯家以是次蠹小民知太康縣
民有詣府訴家產者清納其賄時已罷任即逃居他
所銳嘗就清債白金七十兩清以多納賄賂事將敗
求以爲助時方鞠盧氏獄從吉請對發其事欲以自
解逮清等繫獄命比部員外郎劉宗言御史江仲甫

劾之清枉法當死特杖脊黥面配沙門島銳又削衛
尉寺丞從吉坐首露在已發當贖銅特削諫議大夫
天禧三年起爲衛尉卿明年判登聞鼓院坐與寇準
善以光祿卿致仕未幾卒年七十從吉喜爲詩時有
警語兼工醫術子孫登仕者甚衆第進士升朝叟朱
紱者數人家富於財尤能治生多作負販器儻貨以
至鬻棺積於市又善爲饌具分遺權要晚年進趨彌
篤以至於敗物論鄙之子鏞金部度支員外郎秘閣
校理楷太常博士

論曰八政之首食貨以國家之經費不可一日而無

也然生之有道而用之有節則存乎其人焉爾張鑑
將命西蜀處制得宜庶乎可與行權者也子與我相
經制索湘議罷鬻茶許驥謹守儒行知禮篤信經學
國華不辱君命皆有足稱者焉以自謂達性命之
蘊而卒流於釋老之歸文寶在邊郡而不免以生
事蒙紕劉綜著勞朔易而短於經術從吉勤於公務
而踈於訓子固未得為盡善也自餘諸子之翰鬻潔
白之操卜家之仁恕之道是之棄其城守坦之踈於
輔導則君子所不予也

列傳卷第三十六

列傳卷第三十七

宋史二百七十八

開府儀同三司柱國錄軍國軍事前書右丞相魯修國史領經筵事都總裁臣脫等奉

勅修

馬全義 子知節

雷德驥 子有終

孫孝先

王超 子德用

馬全義幽州薊人十餘歲學擊劍善騎射十五隸魏
帥范延光帳下延光叛晉祖征之以城降悉隸所部
來上全義在籍中因補禁軍以不得志遂遁去漢乾
祐中李守真鎮河中召置帳下及守真叛周祖討之
全義每率敢死士夜出攻周祖壘多所殺傷守真貪

而無謀性多忌克全義屢為畫策皆不能用城陷遂
變姓名亡命周廣順初世宗鎮澶淵全義往事之從
世宗入朝周祖召見補殿前指揮使謂左右曰此人
忠於所事昔在河中屢挫吾軍汝等宜效之世宗即
位遷右番行省從世宗戰高平以功遷散騎指揮使
從征淮南以功遷殿前指揮使右番都虞候恭帝即
位授鐵騎左第二軍都校領播州刺史宋初歷內殿
直都知控鶴左廂都校領果州團練使從征李筠筠
退保澤州城小而固攻之未下太祖患之召全義賜
食御榻前問計對曰筠守孤城若併力急攻立可殄

滅倘緩之適足長其姦爾太祖曰此吾心也即麾兵
急擊之全義率敢死士數十人乘城攀堞而上為飛
矢貫臂流血被體全義拔鏃臨敵士氣益奮遂克其
城遷虎捷左廂都校領睦州防禦使又從征李重進
領控鶴虎捷兩軍為後殿賊平班師錄功居多改龍
捷左廂都校領江州防禦使俄被疾太祖遣太醫診
視仍諭密旨曰俟疾間當授以河陽節制全義疾已
亟但叩頭謝數日卒年三十八特贈檢校太保大同
軍節度使子知節

知節字子元幼孤太宗時以蔭補供奉官賜今名年

三十九十五
十八監彭州兵以嚴涖衆衆憚之如老將又監潭州
兵時何承矩為守鎮以文雅飾吏治知節慕之因折
節讀書雍熙間護兵博州契丹入邊敗我師於君子
館先是知節完城繕甲儲積芻粟吏民以為生事既
而契丹果至以有備引去徙知定遠軍時議調河南
十三州之民輸餉河北轉運使樊知古適至軍議事
知節曰軍少粟多斂其紅腐尚得十之六七知古
從之果獲粟五十萬斛分給諸屯遂省河南之役時
部民入保避寇卒有盜婦女有飾者護軍止答遣之
知節曰民避外患而來反懼內寇此而可怨何以肅

下即命斬之知深慶二州遷西京作坊使旋知梓州
李順之叛詔與王繼恩同討賊繼恩恃勢自任惡知
節不附已遣守彭州付以羸兵三百彭之舊卒悉召
還成都知節累請益兵不從賊衆十萬攻城知節力
戰自晨抵晡士多死慨然嘆曰死賊手非壯夫也即
橫槊潰圍出遲明援兵至復鼓譟入賊遂潰去太宗
聞而嘆曰賊衆我寡知節不易當也授益州鈐轄加
益漢九州都巡檢使遷內園使會韓景祐帳下劉旰
勦牙兵為亂連下州縣衆踰二千知節領兵三百追
至蜀州與戰旰走卬州知節曰賊破卬州必乘勝渡

江薄我既息而後戰官軍雖倍制之亦勞不如乘其
弊急擊之破之必矣遂行次方并鎮與盱遇殺之無
噍類咸平初領登州刺史知秦州州嘗質羌酋支屬
餘二十人踰二紀矣知節曰羌亦人爾豈不懷歸悉
遣之羌人感之訖終更不犯塞時州有銀坑歲久鑛
竭課額弗除主吏破產償之不足知節請蠲之章三
上乃允遷西上閣門使知益州兼本路轉運使自乾
德後歲漕蜀物動踰萬計時籍富民以部舟運坐沉
覆破產者衆知節請省校而程其漕事自是
蜀人賴以免患徙知延州兼鄜延駐泊部署邊寇將

至方上元節遽命張燈啓關累夕宴樂寇不測即引
去會鎮州程德玄政事曠弛徙知節代之詔發澶魏
等六州糧輸定武時兵交境上知節曰糧之來是資
盜也止令於舟車所至收之寇無所得而遁車駕在
澶淵時王超擁兵數十萬屯真定逗留不進知節移
書誚讓之超始出兵猶以中渡無橋為辭知節預命
度材一夕而具景德中徙知定州未幾拜東上閣門
使樞密都承旨擢拜簽書樞密院事當是時契丹已
盟中國無事大臣方言符瑞而知節每不然之嘗言
天下雖安不可忘戰去兵以為戒自陳年齒未衰五

七年間尚可驅策如邊方有警願預其行但得副都
部署名及良馬數匹輕甲一聯足矣上以為然因命
製鋼鐵鎖子甲以賜焉進宣徽北院使加兼樞密副
使時王欽若為樞密使知節薄其為人遇事敢言未
嘗少屈每廷議得其不直輒面詆之時欽若寵顧方
隆知節愈不為下大中祥符七年出為潁州防禦使
知潞州天禧初移知天雄軍召拜宣徽南院使知樞
密院事以疾乞罷除彰德軍留後知貝州兼部署將
行真宗閱其癰瘕止命歸鎮時上黨大名之民已爭
大迎謁未幾卒年六十五贈侍中謚正惠知節將家
之慷慨以武力智謀自許又能好書賓友儒者所與
善厚必一時豪傑論事審審未嘗有所顧忌故聞其
風者亦知其為正直云

雷德驤字善行同州郃陽人周廣順三年舉進士解
褐磁州軍事判官召為右拾遺充三司判官賜緋魚
顯德中入受詔均定隨州諸縣民田屋稅稱為平允
宋初拜殿中侍御史改屯田員外郎判大理寺其官
屬與堂吏附會宰相趙普擅增刑名因上言欲求見
太祖以白其事未引對直詣講武殿奏辭氣俱厲太
祖詰之德驤對曰臣值陛下日旰未食方震威嚴爾

三十九十七
帝怒令在右軍出詔置極典俄怒解黜為商州司戶
參軍刺史知德驤舊為省郎以客禮之及奚嶼知州
希宰相旨至則儀受庭參德驤不能堪出怨言嶼銜
之適有言德驤至郡為文訕上者嶼召德驤與語潛
遣吏給其家人取得之即械繫德驤具狀以聞太祖
貸其罪削籍徙靈武數年其子有鄰擊登聞鼓訴中
書不法事趙普由是出鎮河陽德驤為祕書丞俄
分判御史臺三院事又兼判吏部南曹開寶七年同
知貢舉太祖崩以德驤為吳越國告哀使還遷戶部
員外郎兼御史知雜事改職方員外郎克陝西河北

轉運使歷禮部戶部郎中入為度支判官太平興國
四年車駕往太原為太原西路轉運使六年同知京
朝官考課俄遷兵部郎中七年以公累降本曹員外
郎出知懷州未幾復舊官又命為兩浙轉運使其子
毅中丞有終亦為淮南轉運使父子同日受詔搢紳
榮之俄遷右諫議大夫雍熙二年徵歸朝同知京朝
官考課初帝謂宰相曰朕前日閱班籍擇官為河北
轉運使所患不能周知群臣復行自今今德驤錄京
朝官履歷功過之狀引對既得漸識群臣擇才委任
且使有官政者樂於召對負瑕累者耻於顧問可以

為懲勸矣端拱初遷戶部侍郎會趙普再入相宣制之日德驥方正班不覺墜笏遽上疏乞歸田里太宗召見安諭之賜白金三千兩罷知考課上以本官奉朝請會議事尚書省乘酒叱起居負外郎鄭構為盜御史奏劾下御史臺案問具伏帝止令罰月奉而釋之訖趙普出守西洛帝終保全之淳化二年為其壻如京副使衛濯訟有鄰子祕書省校書郎孝先內亂帝素憐德驥恐暴揚其醜不以孝先屬吏止除名配德均州德驥坐失教責授感德軍行軍司馬并其子少府少監有終責授衡州團練副使德驥因慙憤成

疾三年卒年七十五有終為三司鹽鐵副使表乞進復舊官從之德驥無文采頗以強直自任性褊躁多忤物不為士大夫所與有鄰開寶中舉進士不第其父既寗靈武意宰相趙普擠抑之時堂後吏胡贊李可度在職歲久或稱其請託受賂而祕書丞王洞與德驥同年登第有鄰每造謁洞洞多以家事委之一日洞令有鄰市白金半錠因曰此令吾子知要與胡將軍蓋謂贊也時又有詔應攝官三任解由全者許投牒有司即得召試錄用有鄰素與前攝上蔡主簿劉偉交游知偉雖嘗三攝而一任失其解由偉造偽

印令其兄前進士侁書寫之因是得試送銓遂具章
告其事並下御史府按鞫有鄰出入贄家故其事多
實獄具偉坐棄市洞等並決杖除名贄可度仍籍其
家有鄰授祕書省正字賜公服靴笏銀鞍勒馬絹百
疋自是累上疏密告人陰事俄被病白晝見偉入室
以杖箠其背有鄰號呼聞于外數日而死賜德驥錢
十萬以給喪事

有終字道成幼聰敏以蔭補漢州司戶參軍時侯陟
典選木彊難犯選人聽署於廷無敢譁者有終獨抗
言願為大郡治獄掾陟叱之曰年未三十安可任此

官有終不為沮署萊蕪尉知監左拾遺劉祺以有終
年少頗易之有終發其姦賊祺坐罪杖流海島以有
終代知監事先是三司補吏為治官率以貲進多恣
橫至是受署者憚有終率多避免太宗即位聞其名
遣內侍伍守忠同掌監事且察其治迹守忠至裁周
月即還奏有終彊濟之狀亟詔為大理寺丞會德驥
任陝西轉運奏為解州通判特許德驥不巡察是州
有終入奏塩池利害改贄善大夫令還權知軍事省
通判太平興國六年遷殿中丞知密州徙淮南轉運
副使賜緋魚改太常博士時德驥主漕兩浙往往省

于境上時人榮之雍熙中王師北征命為蔚州飛狐路隨軍轉運使入為鹽鐵判官歷戶部度支副使賜金紫出知昇州淳化初就遷少府少監知廣州二年女弟壻衛灌訟其家法不謹有終坐親累責授衛州團練副使奪章服俄丁外艱行及許田召歸入對賜錢八十萬起為都官員外郎歷度支鹽鐵副使復金紫時以江南嶺外茶鹽價不一細民冒禁私販多陷重辟詔有終領江淮兩浙荆湖福建廣南路茶鹽制置使就出鹽產茶之地以便宜裁制使還改工部郎中知大名府不踰月復為少府少監徙知江陵李順

之亂王師西征命與裴莊為峽路隨軍轉運使同知兵馬事調發兵食規畫戎事皆有節制師行至峽中遇盜格鬪衆渴乏會天雨軍士以堯牟承水飲之且行且戰進至廣安軍壘瀕江三面樹柵會夜陰晦賊衆奄至鼓譟舉火士伍恐懼有終安坐櫛髮自若賊圍既合有終引奇兵出其後擊之賊衆驚擾赴水死者無筭就拜右諫議大夫知益州次簡州寓佛舍度賊必至命左右重閉召土人嚴更警備初夕間道而出賊圍守數重及壞寺入惟擊柝者在焉俄兼同招安使賊平改知許州三年改給事中知并州真宗嗣

位加工部侍郎咸平二年代還知審刑院俄授戶部
 使三年將延師大名遣有終乘駟先詣澶州督納糧
 草車駕還次德清軍會益州奏至神衛戍卒以正旦
 竊發害兵馬鈴轄符昭壽擁節虞候王均為亂逐知
 州牛冕即日拜有終瀘州觀察使知益州兼川峽兩
 路招安捉賊事御厨使李惠洛苑使石普供備庫副
 使李守倫並為招安處檢使給步騎八千命往招討
 又以洛州團練使上官正為東川都鈴轄西作坊使
 李繼昌為峽路都鈴轄崇儀副使高繼勳王阮並為
 州駐泊都監洪奉官閣門祇候孫正詳為諸州都

處檢使正月三日均率衆陷漢州進攻綿州旬日不
 能下趣劔門先是知劔門祕書丞李士衡度寇必至
 城不能守悉徙官帑保劔門焚其倉廩及署榜招軍
 卒之流逸者得數十人已而賊果至士衡與劔門都
 監左藏庫副使裴臻逆擊之時風雪連日均衆無所
 掠唯食敗糟臻與戰斬首數千級賊衆疫劇宵遁還
 保益州士衡即馳騎入奏上嘉之拜士衡度支員外
 郎賜緋臻崇儀使領峯州刺史仍舊職知蜀州供奉
 官閣門祇候楊懷忠聞變即調鄉丁會十一路處檢
 兵刻期進討蜀民不從賊者相率抗禦儕伍謂之清

壇衆擇清壇之魁七十餘人悉補延檢將遣判官高本馳驛以聞十七日懷忠率衆入益州焚城北門至三井橋時均尚留劍門與賊將魯麻胡陣于江濱廟前自晨至晡戰數合懷忠兵勢下敵退還所部懷忠部下多李順舊黨頗貪剽劫故敗績焉懷忠移文嘉眉七州調軍士丁男來會二月再攻益州時均方遣逆黨趙延順攻邛蜀懷忠逆與之戰賊稍退懷忠與轉運使陳緯麾兵由子城南門直入軍資庫與緯署其庫篋均衆皆銀槍繡衣為數隊分列子城中賊兵出通遠門與懷忠戰數合會暮懷忠復退軍於橋也

水列陣砦楮木橋南以扞邛蜀之路賊故不復能南畧自清水坝温江金馬三道來攻楮木砦出官軍後焚江原神祠斷邛蜀援路懷忠三路分兵以抗之斬首五百餘級驅其餘衆入阜江獲甲弩甚衆乘勝逐賊至益州南十五里砦于鷄鳴原以俟王師均亦閉成都東門以自固是月有終等至令石普先與綿漢都巡檢張思鈞收復漢州進壁升僊橋賊出攻砦有終擊走之一日均開城偽為遁狀有終與上官正石普率兵徑入官軍分剽民財部伍不肅賊閉關發伏布床榻於路口官軍不得出因為所殺有終等緣堞

而墜李惠死之退保漢州益州城中民皆奔迸四出復為賊黨分騎追殺或囚繫之支解族誅以恐衆又脇士民僧道之少壯者為兵先刺手背次髡首次黥面給軍裝令乘城與舊賊黨相間有終署榜招之至則署其衣袂釋之日數百人三月進攻彌牟砦斬首千餘級復為賊所拒四月賊由升僊橋分路來寇併軍於東偏有終率兵逆擊大敗之殺千餘人奪其織蓋金槍等物均單騎還城有終遣其子奉禮即孝若馳奏上召孝若問敗賊之由笑謂左右曰均鼠竊爾雖嬰城自守計日可擒矣孝若因言嘗言武藝願改

秩以効即補供奉官俄以刑部員外郎馬亮為轉運使國子博士張志言副之供備庫副使張昫為綿漢都巡檢使楊懷忠又分所部砦於合水尾浣花等處樹機石設篋籬以拒之賊自升僊之敗徹橋塞門官軍進至清遠江為梁而度有終與石普屯於城北門之西依壕為土山分設鹿角又得舊草塲造梯衝洞車攻具普專主之高繼勳張昫孫正辭攻城東上官正李繼昌王阮攻城西楊懷忠與巡檢殿直閤門祇候馬貴攻城南賊將趙延順盡驅兇黨以拒旣而延順中流矢死又遣其黨丁重萬立城門上官軍射之

殪每攻城輒會兩城滑不能上官軍及丁夫為洞屋以進賊又鑿地道出掩之溺壕中死者千餘軍勢小劔時方暑温軍士多疾有終市藥他州療之是月詔洛苑使入内副都知秦翰為兩川捉賊招安使有終與翰叶議於城北魚橋又築土山八月克城北羊馬城遂設鴈翅敵棚覆洞屋以進逼羅城九月城北洞屋成賊對設敵樓以抗官軍有終遣卒焚之賊自是銷沮築月城以自固有終募敢死士間道以入賊為藥矢中者立死有終令卒蒙糴秉燧以入悉焚其望櫓機石先遣東西南北鼓譟攻城有終與石普分主

洞屋以進普穴城為暗門門成賊攢戟於前無敢進者有二卒請行許以厚賞乃麾戈直衝之賊鋒稍却遂入城有終登城樓下瞰賊之餘衆猶砦天長觀前於文翁坊密設礮架高繼動白于馬亮請給糶秣油却衆執長戟巨斧秉炬以進悉焚之楊懷忠焚其砦天長觀前追至大安門復敗焉是夕二鼓均與其黨二萬餘南出萬里橋門突圍而遁有終疑有伏遣人縱火城中詰朝與秦翰登門樓牙吏有受偽署官職者捕得立樓下傍積薪厝火其上索男子魁壯者令辨之曰某嘗受其職即命左右梓投火中自晨至晡

焚死者數百人時謂究酷均既走度合水尾由廣都
 畧陵榮趨富順監所過斷橋塞路焚倉庫而去初有
 終遣懷忠頌虎翼軍追之後二日石普繼往以全軍
 為後援十月均至富順其將校以筏度江趨戎瀘蠻
 境朝廷每歲孟冬朔詔富順監具酒肴犒內屬蠻酋
 是日裁設具而均黨適至皆食焉聞懷忠追騎將至
 均心易之謂其黨曰速降懷忠令其眾負擔以行懷
 忠距富順六十里於楊家市少憇賊眾在後者邀戰
 懷忠遣騎士登高原覘賊且語其左右曰縱賊度江
 後悔無及聞石侯將至當以奇兵取之乃臨江列陣

擊之餘黨散走有孳舟將度江而遁者懷忠合強弩
 射之溺死甚眾懷忠張旗鳴鼙入城均方在監署中
 其眾多醉均窮蹙縊死虎翼軍校魯斌斬其首詣懷
 忠獲僭偽法物旌旗甲馬甚眾會其黨六千餘人逆
 徒殲焉懷忠旋軍出北門石普之眾始至奪均首馳
 歸成都梟于北市均本隸開封散從直後補軍校初
 神御軍之戍成都者以均及董福分二指揮以領之
 福御象有法部下皆優足均縱其下飲博軍裝亦以
 給費是歲車駕幸河朔符昭壽與牛冕大閱於東郊
 蜀人趨觀之二軍衣服鮮弊不等均眾因是慙憤益

州知州與鈴轄二驛並禁旅為牙隊歲除冕以酒肴
犒部士而昭壽既驕恣復肆侵虐冕亦寬弛無政故
詰朝合起為亂神衛卒既殺昭壽是日成都官吏方
相與賀正聞變皆奔竄牛冕與轉運張適縋城而出
惟都巡檢使劉紹榮冒刃格鬪既而眾寡不敵叛卒
尚未有主或欲奉紹榮為帥者紹榮攝弓罵曰我燕
人也比棄鄉上來歸本朝豈能與汝同逆汝亟殺我
我肯負朝廷執衆未敢動監軍王澤與均適至乃謂
均曰汝所部為亂盍自往招止均既往叛卒即擁之
為主紹榮自經死均僭號大器改元化順署置官稱

設置真舉以張錯為謀主錯本名羨太原舊卒後為神
衛小校狡獪嘗歷戰陣粗習陰陽以熒惑同惡故勸
均為亂均實慙悞無謀嘗言官軍若至我當先踰出
迎自陳被脇之狀均聞之擇軍中子弟署寄班以防
守均令不與人接見官軍圍城每射箭招誘及令均
子弟至城下均皆不之知得箭書錯悉焚之自起至
敗所守止一城而已均初署親軍為天降虎翼後果
為虎翼軍所殺賊既平遣承受供奉官楊崇勳乘傳
告捷賜崇勳錦袍銀帶噐幣有終加保信軍節度觀
察留後以秦翰為內園使恩州刺史石普為益州團

練使高繼勳王阮並為崇儀使孫正辭為內殿崇班
 李繼昌為獎州刺史張昫為供備庫副使楊懷忠為
 供備庫副使馬貴為供奉官是役也懷忠之功居最
 為石普所忌朝廷微聞之遣寄班安守忠按視戰所
 盡得其功狀以故懷忠復遷崇儀使領恩州刺史四
 年有終代還命為涇原儀渭鎮戎路都部署辭不拜
 改知永興軍府徙秦州景德初徙為并代副都部署
 賜黃金四百兩丁內艱起復契丹入寇上幸澶淵詔
 有終率所部由土門抵鎮州與大兵會既而王超彘
 贊逗撓無功唯有終赴援威聲甚振河北列城賴其

雄張俄而契丹脩好命還屯所就判并州召拜宣徽
 北院使檢校太保二年七月暴疾卒年五十九贈侍
 中錄其子孝若為內殿崇班閣門祗候孝傑為內殿
 崇班孝緒為供奉官孝恭為侍禁親族門客給事輩
 遷補者八人有終侗自任不拘小節有幹局沈敏
 善斷不畏強禦輕財好施歷典藩閫能撫士卒豐於
 宴犒官用不足則傾私帑及權錢以給之家無餘財
 奉身甚薄常所御者銅鞍勒馬而已第在崇仁里者
 德驥所創有終在蜀嘗貸備用庫錢數百萬奏納其
 第償之優詔蠲免為宣徽使特給廉鎮公用錢歲二

千貫身沒之日宿負猶不啻千萬官為償之王繼英
在樞密頗忌有終進用屢言其在蜀及守邊厚費以
收士卒心真宗不之信卒保護焉

孝先字子思有鄰子也舉進士試祕書省校書郎知
天長縣以衛灌訟其內亂除籍配均州後復知宛丘
縣李繼隆判陳州薦其能加試上評事契丹內寇
真宗幸大名孝先以部芻糧河北首至行在擢太常
寺奉禮郎王均反益州隨季父有終進討孝先率先
鋒與賊戰升僊橋斬首數百得均金槍黃纛以獻改
將作監丞李繼遷陷靈州朝廷調兵軍費多出於民

關內大擾孝先請益募商人入粟塞下償以茶鹽召
對稱旨命馳驛陝西與轉運使鄭文寶議立規畫後
多施行累遷尚書屯田員外郎嘗建置三司拘收司
以檢天下財利出入之數詔如其請知興元府坐保
任失實降通判華州徙知鄆州宰相寇準舉換內園
使知貝州會慈州民張熙載詐稱黃河都總管籍並
河州郡芻糧數至貝州孝先覺其姦捕繫獄孝先欲
因為此奇功以動朝廷迫司理參軍紀瑛教熙載偽
為契丹謀者號景州刺史兼侍中司空大靈宮使部
送京師樞密院按得孝先所教狀謫澤州都監利號

三州改環慶路兵馬鈐轄知邠州踰年領昭州刺史為益州鈐轄再遷左藏庫使擢西上閤門使涇原路鈐轄兼知渭州復知邠州徙耀州以為領軍衛大將軍昭州刺史分司西京卒子簡夫

簡夫字太簡隱居不仕康定中樞密使杜衍薦之召見以祕書省校書郎簽書秦州判官公事既罷居長安自以處士起不復肯隨與調官多為岐路求辟薦時三白渠久廢京兆府遂薦簡夫治渠事先時治渠歲役六縣民四十日用梢木數百萬而水不足簡夫用三十日梢木比舊三之一而水有餘知坊州

徙閬州用張方平薦知雅州既而辰州蠻酋彭仕義內寇三司副使李參侍御史朱處約安撫不能定繼命簡夫往至則督諸將進兵築明溪上下二砦據其險要拓取故省地石馬崖五百餘里仕義內附擢三司鹽鐵判官以疾知號同二州累遷尚書職方員外郎卒錄其子爵臣為郊社齋即簡夫始起隱者出入乘牛冠鐵冠自號山長關中用兵以口舌捍闔公卿既仕自奉稍驕侈騶御服飾頓忘其舊里閭指笑之曰牛及鐵冠安在

王超趙州人弱冠長七尺餘太宗尹京召置麾下及

即位以隸御龍直淳化二年累遷至河西軍節度使
殿前都虞候真宗嗣位以翊戴功加檢校太傅領天
平軍節度咸平二年秋太閤禁兵二十萬于東郊超
執五方旗以節進退上御戎幄觀之面賜褒獎從幸
大名與都虞候張進並為先鋒都大點檢傳潛逗撓
得罪以超為侍衛馬步軍都虞候鎮州行營都部署
又帥鎮定高陽關三路契丹入邊與戰于遂城西俘
馘二萬計斬其裨王騎將十五人手詔褒美李繼遷
陷清遠軍以超將西面行營之師禦之徙帥永興軍
宰相言超材堪將帥遂以超帥定州路行營王繼忠

副之尋加鎮定高陽關三路都部署密遣中使賜以
御弓矢許便宜從事加開府儀同三司檢校太尉咸
平六年遼師大入超召鎮州桑贊高陽關周瑩率兵
會定州瑩以非詔旨不至遼兵圍望都超贊率兵赴
之陣于縣南六里繼忠在陣東偏契丹出其背遮絕
糧道人馬乏困繼忠馳前與契丹戰超贊遂旋師繼
忠孤軍沒馬上即遣劉承珪李允則馳往察退劔之
狀且言鎮州副部署李福拱聖軍都指揮使王昇當
戰先旋福坐削籍流封州昇決杖配隸瓊州景德初
上親巡澶淵召超赴行在復緩師期契丹遂深入會

字四百个
南北通好故薄其責止罷超三路帥為崇信軍節度使徙知河陽又移鎮建雄知青州卒贈侍中再贈尚書令追封魯國公謚武康超為將善部分御下有恩與高瓊同典禁旅嘗休假他適過營壘軍校不時將迎瓊即命董罰超以為非公行不當加罪人稱其怒然臨軍寡謀拙於戰鬪子德用

德用字元輔父超為懷州防禦使補衙內都指揮使至道二年分五路出兵擊李繼遷超帥兵六萬出綏夏德用年十七為先鋒將萬人戰鐵門關斬首十三級俘掠畜產以數萬計進師烏白池他將多失道不

至虜銳甚超按兵不進德用請乘之得精兵五千戰三日敵勢却德用曰歸師迫險必亂乃領兵距夏州五十里絕其歸路下令曰亂行者斬一軍肅然超亦為之按轡繼遷躡其後左右望見隊伍甚嚴整莫敢近超撫其背曰王氏有子矣累遷內殿崇班以御前忠佐為馬軍都軍頭出為邢洺磁相迺檢盜張洪霸相聚界上吏不能捕德用以羶車載勇士詐為婦人飾過邯鄲賊果來邀勇士奮出悉禽之徙督捕陝西東路盜賊相戒曰此禽張洪霸者皆相率逃去為環慶路指揮使尋以奏事件旨責授鄆州馬步軍都

指揮使歷內殿直都虞候殿前左班都虞候柳州刺史遷捧日左廂都指揮使英州團練使天聖初以博州團練使知廣信軍城壞久不治德用率禁軍增築之有詔褒諭徙冀州歷龍神衛捧日天武四廂都指揮使康州防禦使侍衛親軍步軍馬軍都虞候召還又為并代州馬步軍副都總管遷殿前都虞候步軍副指揮使歷桂州福州觀察使章獻太后臨朝有求內降補軍吏者德用曰補吏軍政也不可與太后固欲與之卒不奉詔乃止太后崩有司請衛士坐甲德用曰非故事也不奉詔仁宗閱太后閣中得德用前

奏軍吏事竒之以為可大用拜檢校太保簽書樞密院事德用謝曰臣武人幸得以馳驅自效賴陛下威靈待罪行閒足矣且臣不學不足以當大事帝遣使者趣入院遂為副使久之以奉國軍節度觀察留後同知院事遷知院歷安德軍加檢校太尉定國軍節度使宣徽南院事趙元昊反德用請自將討之不許德用狀貌雄毅面黑頸以下白哲人皆異之言者論德用貌類藝祖御史中丞孔道輔繼言之且謂德用得士心不宜久典機密遂罷為武寧軍節度使徐州大都督府長史有言德用市馬於府州者上其券乃

市於商人者言者猶不已降右千牛衛上將軍知隨州州置判官家人皆惶恐德用舉止言色如平時惟不接賓客而已徙知曹州或謂德用曰孔中丞害公今死矣德用曰中丞言官豈害我者朝廷亡一忠臣可惜也起為保靜軍節度觀察留後知青州改澶州陝西用兵久無功契丹遣劉六符來求復關南地以兵歷境德用見帝流涕言臣前被罪陛下赦而不誅今不足辱命帝慰勞曰河北方警藉卿鎮撫之又賜手詔慰勉拜保靜軍節度使歲大熟六符見德用拜曰此公仁政所及也徙真定府定州路都總管還奏

事復以宣徽南院使判成德軍未行徙定州路都總管日訓練士卒久之士殊可用契丹使諜者來覘或請捕殺之德用曰第舍之彼得實以告是服人之兵以不戰也明日大閱授樽酒之士皆踊躍進退坐作終日不戮一人乃下令具糗糧聽吾鼓聲視吾旗幟所向覘者歸告契丹謂漢兵將大入既而復議和遂徙陳州又徙河南不行入奉朝請出判相州拜同中書門下平章事判澶州徙鄭州封祁國公還為會靈觀使德用素善射雖老不衰侍射瑞聖園辭曰臣老矣不能勝弓矢帝再三諭之持二矢未發帝顧之使

必中乃收弓矢謝一發中的再發又中帝笑曰德用
欲中即中爾孰謂老且衰乎賜襲衣金帶加檢校太
師復判鄭州徙澶州改集慶軍節度使封冀國公皇
祐三年上疏乞骸骨以太子太師致仕大朝會綴中
書門下班德用將家子習知軍中情偽善以恩撫下
故多得士心雖屢臨邊境未嘗親矢石督攻戰而名
聞四夷閭閻婦女小兒皆呼德用曰黑王相公帝嘗
遣使問邊事德用曰咸平景德中賜諸將陣圖人皆
死守戰法緩急不相救以至於屢敗誠願不以陣圖
賜諸將使得應變出奇自立異効帝以為然德用雖

致仕乾元節上壽預班廷中契丹使語譯者曰黑王
相公乃復起耶帝聞之起為河陽三城節度使同中
書門下平章事判鄭州至和元年遂以為樞密使命
入謁拜明年富弼相契丹使耶律防至德用與防射
玉津園防曰天子以公典樞密而用富公為相將相
皆得人矣帝聞之賜弓一矢五十後封魯國公求去
位至六七乃以為忠武軍節度使景靈宮使又以為
同群牧制置使有詔五日一會朝聽子孫一人扶掖
卒年七十九贈太尉中書令謚武恭加賜其家黃金
德用諸子中咸融最鍾愛晚年頗縱之多不法後更

宋史二百七十八 黃頊寫

折節自飭官至左藏庫使眉州防禦使

論曰全義德驥遇知太祖太宗超復翊戴真宗宜致
崇顯然董董無瘡人者而各有子勒勲於國籍若知
節生將家喜讀書立朝辛事以剛正稱天下其邦之
司直歟有終起進士明幹知兵平蜀鉅賊振聲鄰敵
可謂肇敏戎公矣至於精神折衝名聞四夷矯矯虎
臣則德用其有焉

列傳卷第三十七

